



天和  
1687  
12止



18  
1687  
124



田代  
田代

詩宗成集卷二十一

律詩 七言二百三十三首

禁林春直

李昉

疎簾搖拽日輝輝直閣深嚴半掩扉一院有花春晝  
永八方無事詔書稀樹頭百轉鶯鶯語梁上新來燕  
燕飛豈合此身居此地妨賢尸祿自知非

漢陽晚泊

楊徽之

傍橋吟望漢陽城山遍樓臺徹上層犬吠竹籬沽酒  
客鶴隨苔岸洗衣僧疎鐘未徹聞寒漏斜月初沈見  
遠燈夜靜隣船問行計曉帆相與向巴陵

上宋

書懷寄劉五

楊億

世事悠悠未遽央，虛名真意兩相忘。休誇失馬曾歸塞，未省牽牛解服箱。四客高風驚楚漢，五君新詠棄山王。秋來安有漁樵夢，多在箕峯潁水傍。

成都

五丁力盡蜀川通，千古成都綠耐濃。白帝倉空蛙在井，青天路險劍為峯。漫傳西漢祠神馬，已見南陽起臥龍。張載勒銘堪作戒，莫矜函谷一丸封。

始皇

衡石量書夜漏深，咸陽宮闕杳沈沈。沈滄波沃日虛鞭。

石白刃凝霜在鑄金，萬里長城穿地脈。八方馳道聽車音，儒坑未冷驪山火。三月青煙遶翠岑。

莎衣

楊朴

軟綠柔藍着勝衣，倚船吟釣正相宜。蒹葭影裏和烟臥，菡萏香中帶雨披。狂脫酒家春醉後，亂堆漁舍晚晴時。直饒紫綬金章貴，未肯輕輕博換伊。

洛陽春

王操

帝里山河異，莫裁就中春色似。先來暖融殘雪當時，盡花得東風一夜開。豔日綺羅香上苑，沸天簫鼓動瑤臺。芳心只恐煙花暮，閒立高樓望幾回。

寄獻翰林宋舍人

王禹偁

金鼎鹽梅偶未和位高猶說野情多  
官墻月上開琴匣道院風清响藥籬  
畱客旋燒合露笋倩僧教種耐霜莎  
孤寒知有爲霖望未忍江頭釣綠波

和郡寮題李中舍公署

樹影池光映曉霞綠楊陰下吏排衙  
閑拖屐齒妨橫筍靜拂琴床有落花  
地脈暗分吳苑水廚烟時煮洞庭茶  
青宮詞客多閒暇按曲飛觴待歲華

南郊大禮詩

乾元門上赭袍光雉扇初開散御香  
郊祀一千年運

祚赦書三萬里封疆人間草木沾皇澤  
天上咸韶送壽觴惆悵昔年曾侍從而  
今翻似鼠拖腸

新秋卽事

宦途流落似長沙賴有詩情遣歲華  
吟弄淺波臨釣渚醉披殘照入僧家  
石挨苦竹旁抽笋雨打我葵臥放花  
安得君恩許歸去東陵閒種一園瓜

村行

馬穿山逕竹初黃信馬悠悠野興長  
萬壑有聲含晚籟數峯無語立斜陽  
棠梨葉落胭脂色蕎麥花開白雪香  
何事嗟餘忽惆悵村橋原樹似吾鄉

寄豐陽喻長官

七十年華鬢未霜道情偏稱宰豐陽  
日衙請印無仇覽夜榻圍棊祇孟光  
庭戶萬重嵐氣盛盤餐數釘藥苗香  
猶言彭澤終歸去門柳青青檻菊黃

送融州任吳戶曹揆越王愛姬墓誌得罪

御前曾取好科名一掾如何萬里行  
身落蠻方人共惜罪因文學自爲榮  
吏供版籍多魚稅民種山田見象耕  
君看成通十司戶投荒終久是公卿

幕次閒吟

文章曾受帝褒稱幕次孤吟冷似冰  
借馬趁朝長後

到問人求米盡難憑僮教罷樂朝無酒  
兒廢看書夜絕燈除却金章在腰下其  
餘滋味一如僧

高閒

謫官滌上欲何爲唯把高閒度歲時  
費盡俸錢因合藥忙于公事是吟詩  
京中吏去慵傳信江外僧來與換碑  
更待吾家婚嫁了解龜休致未全遲

戲和壽州曾祕丞黃黃詩

黃黃真是小巫娥買恐千金價不多  
別母語嬌空有淚對人聲顫未成歌  
產從南國勝桃李携去東山隱薜蘿  
滌上老郎無妓女草玄讀易擬如何

早起

魏野

夜長久待得晨興耽睡童猶喚不應燒葉爐中無宿  
火讀書窻下有殘燈臨堦短髮梳和月傍岸衰容洗  
帶冰應被巢禽相怪訝尋常日午起慵能

秋日小園

錢惟演

碧簟涼生白袷衣庾園秋晚得幽期千房嫩菊金螢  
亂百本衰荷鈿扇敲日薄蘚花沿素壁雨淫蛙鼓占  
清池儻然自合蒙莊趣誰識無心似標枝

無題

誤語成疑意已傷春山低斂翠眉長鄂君繡被朝猶

揜荀令薰爐冷自香有恨豈因燕鳳去無言寧爲息  
侯亾合歡不驗丁香結祇得淒涼對燭房

野墅夏晚

錢昭度

一抹生紅畫杏腮半園沉綠鎖桐材黃蜂衙退海潮  
上白蟻戰酣山雨來睡思幾家金帶枕酒香何處玉  
交盃太陽西落波東去惆悵無人喚得回

宿蔣帝廟明日遊山南諸寺

徐鉉

僂返城闈尚未甘夏從山北到山南花枝似雪春雞  
半桂魄如眉日始三松蓋遮門寒黯黯柳絲妨路翠  
甍甍登臨莫怪偏畱戀游宦多年事事諳

病題

人間多事本難論况是人間嬾慢人不解養生何怪  
病已能知命敢辭貧向空咄咄煩書字與世滔滔莫  
問津金馬門前君識否東方曼倩是前身

謫居舒州累得韓高二舍人書作此寄之

三峯煙靄碧臨谿中有騷人理釣絲會友少于分棧  
日謫居多却在朝時丹心歷歷吾終信俗慮悠悠爾  
不知珍重韓君與高子殷勤書札寄相思

退居

詹中正

宦情文思競闌珊利戶名樞莫我關無可奈何新白

髮不如歸去舊青山須知百歲都為夢未信千金買  
得閒珍重罇中賢聖酒非因風月亦開顏

上呂相公

劉禹謨

重名清望徧華夷恐是神仙不可知一舉首登龍虎  
榜十年身到鳳凰池廟堂只似無言者門館長如未  
貴時除却洛京居守外聖朝賢相復書誰

北塘避暑

韓琦

盡室林塘滌暑煩曠然如不在塵寰誰人敢議清風  
價無樂能過白日閒水鳥得魚長自足嶺雲含雨只  
空還酒闌何物醒魂夢萬柄蓮香一枕山



北塘春雨

葉葉輕雲帳薄羅坐看膏澤灑庭柯風前芳杏紅香  
滅烟外垂楊綠意多聲落檐牙飛短瀑點勻池面起  
圓波晴來西北凭欄望拂黛遙峯濯萬螺

春陰馬上

正是風和日暖天重陰凌擾苦纏綿蕉心自結憑誰  
展柳眼慵開只待眠草溼謾鋪畱醉席榆寒難擲買  
春錢幾時霞外氛霾散放出紅輪一文圓

九日小閣

池館隳摧臺榭荒此筵嘉客會重陽雖慚老圃秋容

淡且看寒花晚節香酒味已醇新過熱蟹黃先實不  
須霜年來飲興衰難強漫有高吟力尚狂

和御製賞花釣魚

鄭獬

輦路鮮雲五色開一聲清蹕下天來水光翠繞九重  
殿花氣濃薰萬壽杯綉幕烟深紅會合文竿風引綠  
徘徊蓬山絕頂無人到詔許羣仙盡日陪

宿太平宮

蘇舜欽

驅車長道久塵勞一宿清宮醒骨毛古檜有風天自  
籟石壇多露鶴爭鳴星河耿耿秋還迴樓觀澄澄夜  
更高唵對疎鐘俗機盡已疑身世屬仙曹

宿華嚴寺與友生會話

危構岩嶢出太虛坐看斜日墮平蕪白煙覆地澄江  
闊皎月當天尺璧孤疎磬悲吟來竹閣青燈寂寞照  
吟軀老僧怪我何爲者說盡興亡涕淚俱

春睡

別院簾昏掩竹扉朝醒未解接春暉身如蟬蛻一榻  
上夢似楊花千里飛塔爾暫能離世網陶然直欲見  
天機此中有德堪爲頌絕勝人間較是非

滄浪靜吟

獨遠虛亭步石缸靜中情味世無雙山蟬帶響穿疎

戶野蔓盤青入破窻二子逢時猶死餓三閭遭逐便  
沉江我今飽食高眠外唯恨澄醪不滿缸

中秋松江新橋對月和柳令

月晃長江上下同畫橋橫絕冷光中雲頭灩灩開金  
餅水面沈沈臥彩虹佛氏解爲銀世界山家多住玉  
華宮地雄景勝言難盡但欲追隨乘曉風

寄田錫舍人

張詠

當年心計此心知忽忽逢人亦自疑枉是憂公生白  
髮有何長略謝清時林僧已怪抽身晚朝侶猶嫌到  
闕遲多喜通規識幽抱路遙無處寄相思

再會傳逸人

分到知心死不輕幾年曾是愴離情微風吹雨鴈初  
下落葉滿堦蟲正鳴燈靜苦嫌論劔略簟涼頻喜轉  
琴聲從來共約雲泉老肯向人間占好名

題杜子美書堂

趙抃

直將騷雅鎮澆淫瓊貝千章照古今天地不能籠大  
句鬼神無處避幽吟幾逃兵火羈危極欲厚民風意  
忠淡茅屋一間遺像在在誰於此是知音

謁青城山

背琴肩酒上青城雲爲開收月爲明觀宿有詩招主

簿廬空無分遇先生牆留古畫仙姿活石載奇文俗  
眼驚却念吾鄉山亦好十年孤負爛柯行

李廷老祠部寄荆柑子

梅堯臣

踏雪衝風馳小吏帶霜連葉寄黃柑擗包欲咀牙全  
動舉盞逢衰酒易酣書尾自題知遠意筆頭親答厭  
多談故人莫覓新詩卷都似愁康七不堪

次韻和長文禱祀郊外見寄并呈韓子華

鶉鴝知雨在桑中雄逐雌飛自不同胡粉未生輕蝶  
白燕脂先綻野櫻紅高高樹裏鞦韆月獵獵堦頭蓓  
蕾風曉下祠壇多寄咏衣冠方侍大明宮

小村

淮闊洲多忽有邨棘籬疎敗謾爲門寒雞得食自呼  
伴老安無衣猶抱孫野艇鳥翹惟斷纜枯菜水齧只  
危根嗟哉生計一如此謬入王民版籍論

聞永叔出守同州寄之

冕旒高拱元元上左右無非唯唯臣獨以至公持國  
法豈將孤直犯龍鱗菜蕒欲把人畱楚苜蓿方枯馬  
入秦訪古尋碑可銷日秋風原上足麒麟

東溪

行到東溪看水時坐臨孤嶼發船遲野鳥眠岸有閒

意老樹着花無醜枝短短蒲茸齊似翦平平沙石淨  
於篔簹情雖不厭住不得薄暮歸來車馬疲

較藝和王禹玉內翰

分庭答拜士傾心却下朱簾絕語音萬蟻戰來春日  
永五星明聚夜堂淡力槌頑石方逢玉盡撥寒沙始  
見金淡墨榜名何日出金明池苑可能尋

謝永叔答述舊之作和禹玉

天下才名罕有雙今逢陸海與潘江筆生造化多多  
穉聲滿華夷一一降金帶繫袍迴禁署翠娥持燭待  
吟窻人間榮貴無如此誰愛區區擁節幢

太師相公篇章真草過人遠甚而特獎後進流  
于詠言輒依韻和

杜詩嘗說少陵豪祖德兼誇翰墨高蘇李爲奴令侍  
席鍾王北面使持毫郊麟作瑞唯逢趾天馬能行不  
辨毛一誦東山零雨句無心夏學楚離騷

送唐紫微知蘇臺

洞庭五月水生寒盧橘楊梅已滿盤泰伯廟前看走  
馬闔閭城下見驂鸞吳娃結束迎新守府吏趨躄拜  
上官曾過揚州能慣否劉郎盞底勸須寬

依韻恭和聖製上元觀燈

王禹玉

雪消華月滿仙臺萬燭當樓寶扇開雙鳳雲中扶輦  
下六鼇海上駕山來鎬京春酒霑周燕汾水秋風陋  
漢材一曲昇平人共樂君王又進紫霞杯

瓊林苑賜宴餞雷守太尉輒繼高韻呈

名德曾來重四夷朝廷今日見官儀陪祠自冠三公  
位分陝猶爲百辟師金谷望塵多眷舊瓊林賜餞盡  
巫疑都人喜見旆旌美寧識勳名在鼎彝

賀孫抗員外春晝端居

余靖

萬事皆從適意休何須快馬騁長楸高人鼓吹鳴蛙  
地當世神仙笑覩樓燕到捲簾如舊分花開逢雨最

閒愁僧來便學嘗茶設白乳槍旗帶露收

睢陽五老圖

杜衍

五人四百有餘歲俱稱分曹與挂冠天地至仁難補  
報林泉幽致許盤桓花朝月夕隨時樂雪鬢霜髯滿  
座寒若也睢陽爲故事何妨列向畫圖看

陪潤州裴如晦學士遊金山回作 楊蟠

試上蓬萊第幾洲寒雲漠漠鳥飛愁海山亂點當軒  
出江水中分繞檻流天遠樓臺橫北固夜淡燈火見  
揚州迴船却望金陵月獨倚牙旗坐浪頭

甘露上方

滄江萬景對朱欄白鳥羣飛去復還雲捧樓臺出天  
上風飄鐘磬落人間銀河倒瀉分雙月錦水西來轉  
幾山今古冥冥難借問且持玉爵破愁顏

戲答元珍

歐陽脩

春風疑不到天涯二月山城未見花殘雪壓枝猶有  
橘凍雷驚笋欲抽芽夜聞歸鴈生鄉思病入新年感  
物華曾是洛陽花下客野芳雖晚不須嗟

再至西都

伊川不到十年間魚鳥今應怪我還浪得浮名銷壯  
節羞將白髮見青山野花向客開如笑芳草畱人意

言集  
自閒却到謝公題壁處向風清淚獨潸潸

招許主客

欲將何物招嘉客唯有新秋一味涼  
夏掃廣庭寬百畝少容明月放清光  
樓頭破鑑看將滿甕面浮蛆撥已香  
仍約多爲詩準備共防梅老敵難當

答子華舍人退朝少飲官舍

玉階朝罷卷晨班官舍相畱一笑間  
與世漸疎嗟已老得朋爲樂偶偷閒  
紅牋搦管吟紅藥綠酒盈樽舞綠鬢  
自是風情年少事多慙白髮與蒼顏

內直晨出便赴奉慈齋宮馬上口占

凌晨夏直九門開驅馬悠悠望禁街  
霜後樓臺明曉日天寒煙霧著宮槐  
山林未去猶貪寵樽酒何時共放懷  
已覺蕭條悲晚歲夏憐衰病怯清齋

和聖俞春雨

簷瓦蕭蕭雨勢疎寂寥官舍與君俱  
身遭鎖閉如鸚鵡病識陰晴似鵝鵝  
年少自愁花爛漫春寒偏著老肌膚  
莫嫌來往傳詩句不爾須當泥酒壺

出省有日書事

凌晨小雨壓塵輕閒憶登高望禁城  
樹色連雲春泱泱風光著草日晴明  
看榆吐莢驚將落見鵲移巢忽

言  
己成誰向兒童報歸日爲翁寒食少畱飴

送王平甫下第

歸被搖搖心浩然曉船鳴鼓轉風灘朝廷失士有司  
恥貧賤不憂君子難執手聊須爲醉別還家何以慰  
親懽自慚知子不能薦白首胡爲侍從官

聞沂州盧侍郎致仕有感

少年相與揆花開老病唯愁節物催蹉跎歸計荒三  
逕牢落生涯泥一杯穎上先生招不起沂州太守亦  
歸來自媿國恩終莫報尚貪榮祿此徘徊

西湖泛舟呈運使學士張揆

波光柳色碧溟濛曲渚斜橋畫舸通夏遠夏佳唯恐  
盡漸深漸密似無窮綺羅香裏畱佳客絃管聲來颺  
晚風半醉迴舟迷向背樓臺高下夕陽中

酬王君玉中秋席上待月值雨

池上雖然無皓魄罇前殊未減清懽綠醅自有寒中  
力紅粉尢空燭下看羅綺塵隨歌扇動管絃聲雜雨  
荷乾客舟閒臥王夫子詩陣教誰主將壇

送鄆州李畱後

北州遺頌藹嘉聲東土還聞政有成組甲光寒圍夜  
帳綵旗風暖看春耕金釵墜鬢分行立玉塵高談四



座傾富貴常情誰不羨愛君風韻有餘清

湖山小隱

林逋

道着權名便絕交一峯青翠濕衡茅莊生已憤鴟鴞  
嚇揚子休譏螻蛄嘲滴滴藥泉來石竇霏霏茶靄出  
松梢琴僧近借南薰譜且併閒工子細抄

閒搭綸巾擁縹囊此心隨分識與亾黑頭為相雖無  
謂白眼看人亦未妨雲噴石花生劔壁雨敲松子落  
琴牀清猿幽鳥遙相叫數筆湖山又夕陽

夏日即事

石枕涼生菌閣虛已應梅潤入圖書不辭齒髮多衰

病所喜林泉有隱居粉竹亞梢垂薄露翠荷差影聚  
遊魚北窓人在羲皇上時為淵明一起子

秋日湖西晚歸舟中書事

水痕秋落蟹螯肥閑過黃公酒舍歸魚覺船行沉草  
岸犬聞人語出柴扉蒼山半帶寒雲重丹葉疎分夕  
照微却憶清谿謝太傅當時未解惜蓑衣

孤山後寫望

水墨屏風狀總非作詩除是謝玄暉溪橋裊裊穿黃  
落樵斧丁丁斫翠微返照未沈僧獨往長烟如淡鳥  
橫飛南峯有客鋤園罷閑倚籬門忘却歸

西湖

混元神巧本無形  
匠出西湖作畫屏  
春水淨於僧眼碧  
晚山濃似佛頭青  
藥爐粉堵搖魚影  
蘭杜煙籠閣鷺翎  
往往鳴榔與橫笛  
細風斜雨不堪聽

寓意

晏殊

油壁香車不再逢  
峽雲無迹任西東  
梨花院落溶溶月  
柳絮池塘淡淡風  
幾日寂寥中  
酒後一番蕭索禁烟中  
魚書欲寄何由達  
水遠山長處處同

賦得秋雨

點滴行雲覆苑牆  
飄蕭微影度迴塘  
秦聲未覺朱絃

潤楚夢先知  
薤葉涼野水有波增澹碧  
霜林無韻濕疎黃  
螢稀燕寂高窓暮  
正是西風玉漏長

經秦皇廟

魯交

祖龍何事苦東巡  
仙駕歸來塚草新  
項籍已飛三月火  
子嬰猶醉六宮春  
元來滄海殊無藥  
却是芒碭暗有人  
自古乾坤屬眞主  
驪山山下好霑巾

訪竹溪呈孟節兼有懷熙道

石介

到頭泉石是吾家  
坐石聽泉日已斜  
一片青衫非富貴  
千竿綠竹好生涯  
君曾覽照頭皆雪  
我試看書眼亦花  
便好結爲山伴侶  
教他夔益佐勳華

次韻穆父見戲

孔文仲

當年同望赭袍光萬事爭先落彩鉉一別已經陵谷  
變再來不覺路歧長黃金久壓腰間重白筆纔容柱  
下藏唯願山林息柁鼓免教鷓鴣隼嚇鴛鴦

霽夜

孔平仲

寂歷簾櫳淡夜明睡迴清夢成牆鈴狂風送雨已何  
處淡月籠雲猶未醒早有秋聲隨墮葉獨將涼意伴  
流螢明朝準擬南軒望洗出廬山萬丈青

和朱君况卜居

吾身當老此園中世路崎嶇幾萬重且飽稻粱隨鴈

驚盡將雲雨付蛟龍求聞有志終須得招隱何人肯  
見從且為莆田朱處士比鄰先種七株松

睡起

睡起西風掠鬢輕蕭然庭院晚寒生浮雲便作飛鴻  
意細雨仍兼落葉聲物不求餘隨處足事如能省即  
心清山林朝市皆相似何必崎嶇隱釣耕

次韻孫亨甫見寄

進多齟齬退為安未省乘軒勝抱關半世青衫貧為  
祿新秋明鏡老催顏紛紛江上風吹葉漠漠淮南雨  
暗山欲和佳篇寄相憶韻嚴詞峭不容攀

詩集

八月十六日翫月

團團冰鏡吐清輝今夜何如昨夜時只恐月光無好  
惡自憐人意有盈虧風摩露洗非常潔地闊天高是  
處空百尺曹亭吾獨有夏教玉笛倚欄吹

銀河詠

江湖有客臥孤城每見銀河眼亦明萬里長風吹不  
斷一番微雨洗尤清星辰白石參差亂雲氣飛梁倏  
忽生織女東西波浪隔夜寒天闊不勝情

題老杜集

七月鷓鴣乃至此語言閎大復瑰奇直侔造物并包

體不作諸家細碎詩吏部徒能歎光燄翰林何敢望  
藩籬讀罷還看有餘味令人心服是吾師

落花

宋庠

一夜春風拂苑墻歸來何處剩淒涼漢臯珮冷臨江  
失金谷樓危到地香淚臉補痕煩懶髓舞臺收影費  
鸞腸南朝樂府休賡曲桃葉桃根盡可傷

把酒

宋祁

歌管嘈嘈月露前且將身世付酡然謾誇鼯鼠機頭  
箭不識豔雞甕外天青史有人譏巧宦黃金無術治  
流年君看醉趣兼醒趣始覺靈均更可憐

詩宗

宋集

春宴行宴家園

園枋初乾小雨泥飲壺遊屐况親携身輕早蝶千回  
舞技癢新禽百種啼乘飲草茵侵坐軟畏風桃綬向  
林低陽暉自有留人意銜照高樓未遽西

落花

墜素翻紅各自傷青樓烟雨忍相忘將飛更作迴風  
舞已落猶成半面粧滄海客歸珠迸淚章臺人去骨  
遺香可能無意傳雙蝶盡付芳心與蜜房

寄題相臺太尉韓公畫錦堂

瑞節前驅畫錦身堂成署榜示州民遷鶯賀燕翩翻

集嘉樹甘棠次第春漳岸夕波通沼潛魏臺曛日弄  
梁塵君看千古青編上得意如公有幾人

歲晚懷古

王安石

先生歲晚事田園魯叟遺書廢討論訊桑麻憐已  
長按行松菊喜猶存農人調笑追尋壑稚子歡呼出  
候門遙謝載醪祛惑者吾今欲辨已忘言

送程公闢得謝歸姑蘇

東歸行路歎賢哉碧落新陰寵上才白傅林塘傳畫  
去吳王花鳥入詩來唱酬自有微之在談笑應容逸  
少陪除此兩翁相見外不知三徑爲誰開

寄黃吉甫

朱顏去似朔風驚白髮多於野草生挾筴讀書空有  
得求田問舍轉無成解鞍烏石岡邊坐携手辛夷樹  
下行今日追思真樂事黃塵淡處走雞鳴

金明池

空秋西望碧參差憶着鄉人禊飲時斜倚水開花有  
思緩隨風轉柳如癡青天白日春常好綠髮朱顏老  
自悲跋馬未堪塵滿眼夕陽偷理釣魚絲

寄闕下諸父兄兼示平甫兄弟

父兄為學眾人知小弟文章亦自奇家勢到今空有

後士才如此豈無時久聞陽羨溪山好頗與淵明性  
分空但願一門皆貴仕時將車馬過茅茨

姑胥郭

誤梳雲巾別故山抵吳由越兩間關千家漁火秋風  
市一葉歸舟暮雨灣旅病惛惛如困酒鄉愁脈脈似  
連環情知帶眼從前緩更恐顛毛自此斑

自金陵如丹陽道中有感

數百年來王氣消難將前事問漁樵苑方秦地皆蕪  
沒山借揚州更寂寥荒墟暗雞催月曉空塲老雉挾  
春騎豪華祇有諸陵在往往黃金出市朝

華嚴院此君亭

一逕森然四座涼，殘陰餘韻興何長。  
人憐直節生來瘦，自許高才老更剛。  
曾與蒿藜同雨露，終隨松柏到冰霜。  
煩君借此根株在，乞與伶倫學鳳凰。

登大茅山頂

一峯高出衆山巔，疑隔塵沙道里千。  
俯視雲煙來不極，仰攀蘿葛去無前。  
人間已換嘉平帝，地下誰通句曲天。  
陳跡是非今草莽，紛紛流俗尚師仙。

上元戲呈貢父

車馬紛紛白晝同，萬家燈火暖春風。  
別開閭闔壺天

外特起蓬萊陸海中，盡取繁華供俠少。  
祇分牢落與衰翁，不知太一遊何處。  
定把青藜獨照公。

和平甫招道光法師

鍊師投老演真乘，像却空王爪與肱。  
於摠持門通一路，以光明藏續千燈。  
從容發口酬摩詰，邂逅持心契慧能。  
新句得公還有賴，古人詩字恥無僧。

平山堂

城北橫岡走翠虬，一堂高視兩三州。  
淮岑日對朱欄出，江岫雲齊碧瓦浮。  
墟落耕桑公愷悌，杯觴談笑客風流。  
不知峴首登臨處，誰覩當時有此不。

西湖春日

王安國

爭得才如杜牧之試來湖上輒題詩  
春煙寺院敲茶鼓夕照樓臺卓酒旗  
濃吐雜芳薰巘岬濕飛雙翠破  
漣漪人間幸有蓑兼笠且上漁舟作釣師

九日和韓魏公

蘇洵

晚歲登門最不才蕭蕭華髮映金罍  
不堪丞相延東閣閒伴諸儒老曲臺  
佳節已從愁裏過壯心偶傍醉中來  
暮歸衝雨寒無睡自把新詩百遍開

郊行即事

程明道

芳原綠野恣行時春入遙山碧四圍興  
逐亂雲穿柳

巷困臨流水坐苔磯莫辭盞酒十分醉  
只恐風花一片飛況是清明好天氣不妨  
遊行莫忘歸

首尾吟

邵康節

堯夫非是愛吟詩雖老精神未耗時  
水竹清閑先占了鶯花富貴又兼之  
梧桐月向懷中照楊柳風來面上吹  
被有許多閒捧擁堯夫非是愛吟詩

金陵懷古次韻

劉敞

楚貢來遲詭問江漢收羣策士心降  
一言已重黃金百再見仍蒙白璧雙  
票客脫身甘馬革老儒投筆謝書窻  
豈知三閣酣詩酒浩唱庭花倒玉缸



懷舊隱

陳亞

多媿當年未第間，卜居人外得清閒。  
排聯花品曾非僭，愛惜苔錢不是慳。  
秋閣詩情天淡淡，夕溪漁思月彎彎。  
而今慚厚明朝祿，敢念藏愚莫買山。

風水洞和李節推

蘇軾

山前乳水隔塵凡，山上風仙舞檜杉。  
細細龍鱗生亂石，團團羊角轉空巖。  
馮夷窟宅非樑棟，御寇車輿謝轡銜。  
世事漸難吾欲去，永隨二子脫譏讒。

新城道中

東風知我欲山行，吹斷簷間積雨聲。  
嶺上晴雲披絮

帽樹頭初日挂銅鉦，野桃含笑竹籬短。  
溪柳自搖沙水清，西崦人家應最樂。  
煮葵燒筍餉春耕。

八月七月初入贛過惶恐灘

七千里外二毛人，十八灘頭一葉身。  
山憶喜懽勞遠夢，地名惶恐泣孤臣。  
長風送客添帆腹，積雨浮舟減石鱗。  
僂合與官充水手，此生何止略知津。

臥病逾月請郡不許復直玉堂十一月一日鑠院是日苦寒詔賜宮燭法酒書呈同院

微霰疎疎點玉堂，詞頭夜下攬衣忙。  
分光御燭星辰爛，拜賜宮壺雨露香。  
醉眼有花書字大，老人無睡漏

詩集 卷之八  
聲長何時却逐桑榆暖社酒寒燈樂未央

姪安節遠來夜坐

心衰面改瘦崢嶸相見唯應識舊聲永夜思家在何處殘年知汝遠來情與人默坐成癡鈍問舊驚呼半死生夢斷酒醒山雨絕笑看饑鼠上燈檠

悼朝雲詩

苗而不秀豈其天不使童烏與我玄駐景恨無千歲藥贈行唯有小乘禪傷心一念償前債彈指三生斷後緣歸臥竹根無遠近夜燈勤禮塔中仙

過永樂文長老已卒

初驚鶴瘦不可識旋覺雲歸無處尋三過門間老病死一彈指頃去來今存亡慣見渾無淚鄉井難忘尚有心欲向錢塘訪圓澤葛洪川畔待秋溪

贈詩僧道通

雄豪而妙苦而腴祇有琴聽與蜜殊語帶烟霞從古少氣含蔬笋到公無香林乍喜聞蒼筤古井唯慙斷轆轤為報韓公莫輕許從今鳥可是詩奴

上元夜過赴儋守名獨坐有感

使君置酒莫相違守舍何妨獨掩扉靜看月牕盤蜥蜴臥聞風幔落蚺城燈花結盡吾猶夢香篆殘時汝

言宗 不月集  
欲歸搔首淒涼十年事傳柑歸遺滿朝衣

有美堂暴雨

遊人脚底一聲雷滿座頑雲撥不開天外黑風吹海  
立浙東飛雨過江來十分激灑金罇凸千杖敲鏗羯  
鼓催喚起謫仙泉灑面倒傾鮫室瀉瓊瑰

雪後書北臺壁

黃昏猶作雨纖纖夜靜無風勢轉嚴但覺衾裯如潑  
水不知庭院已堆鹽五更曉色來書幌半夜寒聲落  
畫檐試掃北臺看馬耳未隨埋沒有雙尖

城頭初日始翻鴉陌上晴泥已沒車凍合玉樓寒起  
粟光搖銀海眩生花遺蝗入地應千尺宿麥連雲有  
幾家老病自嗟詩力退空吟冰柱憶劉叉

東樓

白髮蒼顏自照盆董生端合是前身獨栖高閣多辭  
客爲著新書未絕麟小醉未醒風力軟安眠無夢雨  
聲新長歌自調真堪笑底處人間是所欣

明日重九亦以病不赴述古會再用前韻

月入秋帷病枕涼霜飛夜簟故衾香可憐吹帽狂司  
馬空對親春老孟光不作雍容傾座上翻成骯髒倚  
門傍人間此會論今古細看茱萸感歎長

次韻述古過周長官夜飲

二更鏡鼓動諸鄰百首新詩間八珍已遣亂蛙成兩  
部更邀明月作三人雲烟湖寺家家境燈火沙河夜  
夜春曷不勸公勤秉燭老來光景似奔輪

紙帳

亂紋龜殼細相連慣臥青綾恐未便潔似僧巾白氎  
布煖於蠻帳紫茸氎錦衾速卷持還客破屋那愁仰  
見天但恐嬌兒還惡睡夜淡踏裂不成眠

惠守詹君見和復次韻

已破誰能惜甌盆頽然醉裏得全渾欲求公瑾一倉

米試滿莊生五石樽三杯卯困忘家事萬戶春濃感  
國恩刺史不須要半道藍輿未暇走山村

汲江煎茶

活水仍須活火烹自臨釣石汲溪清大瓢貯月歸春  
甕小杓分江入夜餅雪乳已翻煎處脚松風心作瀉  
時聲枯腸未易禁三椀臥聽山城長短更

贈王子直秀才

萬里雲山一破裘杖端閑挂百錢游五車書已畱兒  
讀二頃田應為鶴謀水底笙歌蛙兩部山中奴婢橘  
千頭幅巾我欲相隨去海上何人識故侯

太守徐君猷通守孟亨之皆不飲以戲之

孟嘉嗜酒桓溫笑徐邈狂言孟德疑公獨未知其趣  
耳臣今時復一中之風流自有高人識通介寧隨薄  
俗移二子有靈應撫掌吾孫還有獨醒時

章質夫送酒六壺書至而酒不達戲作小詩問  
之

白衣送酒舞淵明急掃風軒洗破觥豈意青州六從  
事化爲烏有一先生空煩左手持新蟹漫遶東籬嗅  
落英南海使君今北海定分百榼餉春耕

次韻曹九章見贈

蘧瑗知非我所師流年已似手中著正平獨肯從文  
舉中散何曾靳孝尼賣劍買牛真欲老得錢沽酒更  
無疑雞豚異日爲同社應有千篇唱和詩

次韻蔣穎叔

月明驚鵲未安枝一棹飄然影自隨江上秋風無限  
浪枕中春夢不多時瓊林花草聞前語罨畫溪山指  
後期豈敢便爲雞黍約玉堂金殿要論思

和王旂

異時長怪謫仙人舌有風雷筆有神聞道騎鯨遊汗  
漫憶曾捫蝨話悲辛氣吞餘子無全目詩到諸郎尚

絕倫白髮故交空掩卷淚河東注問蒼旻

次前韻答馬忠玉

坡陀巨麓起連峯積累當年慶自鍾靈運子孫俱得  
鳳慈明兄弟孰非龍河梁會作看雲別詩社何妨載  
酒從祇有西湖似西子故應宛轉爲君容

又次韻二守同訪新居

此生真欲老牆陰却掃都忘歲月淡拔薤已觀賢守  
政折蔬聊慰故人心風流賀監常吳語憔悴鍾儀獨  
楚音治狀兩邦俱第一潁川歸去肯重臨

胡完夫母周夫人挽詞

柏舟高節冠鄉鄰絳帳清風聳指紳豈似凡人但慈  
母能令孝子作忠臣當年織屨隨方進晚節稱觴見  
伯仁回首悲涼復陳迹凱風吹盡棘成薪

王鄭州挽詩

羨君華髮起琳宮右輔初還鼓角雄千里農桑歌子  
產一時冠蓋慕蕭嵩那知聚散春糧外復有悲歡過  
隙中京兆同僚幾人在猶思對案筆生風

三月二十三日恭聞皇太后升遐以軼罪人不  
許承服欲哭則不敢欲泣則不可故作輓詞

巍然開濟兩朝勳信矣才難十亂臣原廟固應祠百

詩宗 不度集  
世先王何止活千人和熹未聖猶貪位明德雖賢不  
及民月落風悲天雨泣誰將椽筆寫光塵

六月二十夜渡海

參橫斗轉欲三更苦雨終風也解晴雲散月明誰點  
綴天容海色本澄清空餘魯叟乘桴意粗識軒轅奏  
樂聲九死南荒吾不恨茲遊奇絕冠平生

送龔鼎臣諫議移守青州

蘇轍

西山負海古諸侯信美東南第一州勝槩未容秦地  
險奇花僅比雒城優新絲出盎冬裘易貢棗登場歲  
事休鈴閣虛閑官釀熟應容將佐得遨遊

憶潤州葛使君

王令

六朝遊觀委蒿蓬想像當時事已空半夜樓臺橫海  
日萬家簫鼓過江風金山寺近塵埃絕鐵甕城深氣  
象雄欲放船隨明月去應畱閒暇待詩翁

秋日寄滿子權

樓前暮靄暗平林樓上人愁意思淡未必薄雲能作  
雨從來秋日自多陰三年客夢迷歸路一夜西風老  
壯心欲作新聲寄遺恨直絃先斷淚盈琴

早起

陳師道

隣雞接響作三鳴殘點連聲殺五更寒氣挾霜侵敗

言宗  
六  
絮賓鴻將子度微明有家無食唯高枕百巧千窮只  
短檠翰墨日疎身日遠世間安得尚虛名

九日寄秦觀

疾風回雨水明霞沙步叢祠欲莫鴉九日清樽欺白  
髮十年爲客負黃花登高懷遠心如在向老逢辰意  
有加淮海少年天下士可能無地落烏紗

和訓施和安宣德

山陰傾蓋兩綢繆十載重來鬢已秋往事侵尋如昨  
日故人牢落半滄洲流離道路生涯拙蕪沒田園歲  
計休久要尚憐君子在爲言雞黍亦遲留

過杭留別曹無逸朝奉

陳蕃解榻爲留連俯仰徒驚歲月遷故意斯人奈風  
雨多情於我獨山川可憐顏貌非前日依舊窮愁似  
去年後夜相思隔煙水夢魂空寄過江船

和李使君九日登戲馬臺

登高能賦屬吾儕不用傳杯擊鉢催九日風光堪落  
帽中年懷抱更登臺江山信美因人勝萸菊逢辰滿  
意開二謝風流今復見千年留句待公來

和富中容朝散值雨感懷

節物驚心懶復嗟罇中酒盡復誰賒風撩雨脚俄成



言宗 才集  
陣雪閣雲頭欲結花萬里可堪長作客一年將盡未  
還家自憐落落終難合白首詩書謾五車

安仁道中早行

文同

行馬江頭未曉時好風無限滿輕衣寒蟬噪月成番  
起野鴨驚沙作隊飛揭酒旗當岸立翩翩魚艇隔  
灣歸此間物象皆新得須信詩情不可違

北齋雨後

小庭幽圃絕清佳愛此常教放吏衙雨後雙禽來占  
竹秋淡一蝶下尋花喚人掃壁開吳畫畱客臨軒試  
越茶野興漸多公事少宛如當日在山家

依韻和蒲誠之春日即事

輕烟漠漠雨斜斜無事常教放兩衙問客江邊求好  
石倩人山裏覓奇花新蔬宛宛生晴圃淺溜涓涓出  
暖沙入夏盃盤須準備繞畦親灌邵平瓜

紅樹

萬葉驚風盡卷收獨餘紅樹擬禁秋已疑斷燒生前  
嶺更共殘霞入遠樓楓岸最淡霜未落柿園渾變雨  
初休勸君莫上青山道粧點行人分外愁

潮詩

米黻

怒氣號聲迸海門州人傳自子胥魂天排雲陣千家

言宗 不度集  
吼地擁銀山萬馬奔勢與月輪齊朔望信如壺漏報  
晨昏吳亡越霸成何事一唱漁歌過遠村

望海樓

雲間鐵甕近青天縹緲飛樓百尺連三峽江聲流筆  
底六朝帆影落罇前幾番畫角催紅日無事滄洲起  
白煙忽憶賞心何處是春風秋月兩茫然

錢塘上元夜祥符寺陪咨臣郎中文燕席

曾鞏

月明如畫露華濃錦帳名郎笑語同金地夜寒消美  
酒玉人春困倚東風紅雲燈火浮蒼海碧水樓臺浸

遠空白髮蹉跎歡意少強顏猶入少年叢

次韻柳通叟寄王文通

黃庭堅

故人昔有凌雲賦何意陸沉黃綬間頭白眼花行作  
吏兒婚女嫁望還山心猶未死杯中物春不能朱鏡  
裏顏寄語諸公肯湔拔割雞令得近鄉關

寄上叔父夷仲

關寒塞雪欲嗣音燕鴈拂天河鯉沉百書不如一見  
面幾日歸來兩慰心弓刀陌上望行色兒女燈前語  
夜淡更懷父子東歸得手種江頭柳十尋

次韻宋楸宗做居甘泉坊雪後書懷

漢家太史宋公孫漫逐班行謁帝闈燕領封侯空有  
相蛾眉傾國自難昏家移四壁書侵坐馬瘦三山葉  
擁門安得風帆隨雪水江南石上對窪樽

次韻楊君全送酒長句

扶衰却老世無方惟有君家酒未嘗秋入園林花老  
眼茗搜文字響枯腸醅頭夜雨排簷滴杯面春風繞  
鼻香不待澄清遣分送定知佳客對空觴

追和東坡題李亮功歸來圖

今人常恨古人少今得見之誰謂無欲學淵明歸作  
賦先煩摩詰畫成圖小池已築魚千里隙地仍栽芋

百區朝市山林俱有累不居京洛不江湖

戲詠江南土風

十月江南未得霜高林殘水下寒塘飯香獵戶分熊  
白酒熟漁家劈蟹黃橘摘金苞隨驛使禾舂玉粒送  
官倉踏歌夜結田神社游女多隨陌上郎

次韻蓋郎中率郭郎中休官

仕路風波雙白髮閒曹笑傲兩詩流故人相見自青  
眼新貴卽今多黑頭桃葉柳花明曉市荻芽蒲笋上  
春洲定知閒健休官去酒戶家園得自由

和師厚郊居示里中諸君

言宗 不月集  
籬邊黃菊關心事  
牕外青山不世情  
江橘千頭供歲計  
秋蛙一部洗朝醒  
歸鴻往燕競時節  
宿草新墳多友生  
身後功名空自重  
眼前樽酒未宜輕

登樓閣

癡兒了却公家事  
樓閣東西倚晚晴  
落木千山天遠大  
澄江一道月分明  
朱絃已爲佳人絕  
青眼聊因美酒橫  
萬里歸船弄長笛  
此心吾與白鷗盟

奕碁一首呈任公漸

偶無公事客休時  
席上談兵校兩碁  
心似蛛絲遊碧落  
身如蜩甲化枯枝  
湘東一目誠甘死  
天下中分尚

可持誰爲吾徒  
猶愛日參橫  
月落不曾知

次韻君庸寓慈雲寺待韶惠不至

主簿看梅落雪中  
閨人應賦首飛蓬  
問安兒女音書少  
破笑壺觴夢寐同  
馬祖峯前青未了  
鬱孤臺下水如空  
江山信美思歸去  
聽我勞歌亦欲東

咏雪奉呈廣平公

春寒晴碧來飛雪  
忽憶江清水見沙  
夜聽疎疎還密密  
密曉看整整復斜斜  
風回共作婆婆舞  
天巧能開頃刻花  
政使盡情寒至骨  
不妨桃李用年華

汴岸置酒贈黃十七

吾宗端居懷百憂長歌勸之肯出遊黃流不解沅明  
月碧樹爲我生涼秋初平羣羊置莫問叔度千頃醉  
卽休誰倚柁樓吹玉笛斗杓寒挂屋山頭

趙令答詩約攜山妓見訪

晴波瀉鵝漾潭隈能使遊人判不回風入園林寒漠  
漠日移宮殿影枚枚未嘗綠蟻何妨撥宿戒紅妝莫  
待催鏡月西南光景少仍須挽取燭籠來

雪中連日行役戲書簡同僚

簡書催出似驅雞聞道飢寒滿屋啼炙背宵眠楮  
火嚼冰晨飯薩波齧風如利劍穿狐腋雪似流沙飲

馬蹄官小責輕聊自慰猶勝擐甲去征西

和趙宣

胡寅

冠月裾雲佩綠霞百年將此送生涯愁心別後無詩  
草病眼燈前有醉花落筆擅場聊寫意背山臨水遂  
成家也須南畝多栽秫休似東陵只種瓜

秋日臨幸祕書省因成近體詩一首賜丞相史  
浩以下

孝宗皇帝

玉軸牙籤煥寶章簪紳侍列映秋光宴開芸閣儒風  
盛坐對蓬山逸興長稽古右文慙菲德禮賢下士法  
前王欲臻至治觀熙洽更罄嘉謀爲贊襄

夏日雜興

張耒

牆下溪流清且長，夾溪喬木兩蒼蒼。  
裊風翠果擎枝重，照水圓荷舞葉涼。  
蝸殼已枯黏粉壁，燕泥時落污書牀。  
南山野客閒相過，贈我能携藥滿筐。

晝臥懷陳三時陳三臥疾

睡如飲蜜入蜂房，懶似遊絲百尺長。  
陋巷誰過居士疾，春風正作國人狂。  
吟詩得瘦由無性，碎穀輕身合有方。  
欲餉子桑歸問婦，一瓢過午尚懸牆。

屋東

蒼鳩呼雨屋東啼，麥穗初長燕子飛。  
竹裏人家雞犬

靜水邊官舍吏民稀，谿聲夜漲寒通枕。  
山色朝晴翠染衣，賴有西鄰好詩句，  
賡酬終日自忘飢。

題堂下桐

零落當軒兩樹桐，秋來相伴一衰翁。  
寒枝向月空餘影，隕葉知時不待風。  
故國山川天黯淡，美人音信鴈西東。  
歲華節物俱寥落，滿眼牢愁賴酒攻。

夏日

長夏村墟風日清，簷牙燕雀已生成。  
蝶衣曬粉花枝午，蛛網添絲屋角晴。  
落落疎簾邀月影，嘈嘈虛枕納溪聲。  
久判兩鬢如霜雪，直欲樵漁過此生。

言先  
二  
棗徑瓜畦過雨香  
白衫烏帽野人裝  
幽花避日房房  
斂翠樹含風  
葉葉涼  
養拙久判藏  
姓字致身安事巧  
文章漢庭卿  
相皆豪傑不遇何妨白髮郎

和周廉彥

天光不動晚雲垂  
芳草初長襯馬蹏  
新月已生飛鳥  
外落霞更在夕陽西  
花開有客時携酒  
門冷無車出  
畏泥修禊洛濱期  
一醉天津春浪綠浮堤

永城道中

東行十日何所有  
衰草白茅梁宋陂  
天風官樹吹半  
折欲雨野雲垂不飛  
十年所遇半陳迹  
千里獨愁懷

所思他日江湖片帆去  
白頭青鏡久相期

臘日

臘日  
雪滿山愁陰短景歲將闌  
江梅飄落香元  
在汀鴈飛鳴意已還  
佳節再逢身且健  
一樽相屬鬢  
生斑  
明光起草真榮事  
寂寂衡門我且閑

和卽事

溪如垣塹木如城  
魚鳥從游信有情  
啁雀踏枝飛尚  
裊仰荷乘雨側  
還傾彈琴廢久重  
尋譜種藥多求旋  
記名千世久知無  
妙策直應歸學老  
農耕

都下追感往昔因成

晁冲之

春風踏月過章華青鳥雙邀阿母家繫馬柳低當戶  
葉迎人桃出隔牆花鬢淡釵暖雲侵臉臂薄衫寒玉  
映紗莫作一生惆悵事鄰州不在海西涯

次韻再答少蘊知府甥和四兄長句并見寄

錦袍昔是詩成得別墅今非棋賭來山蔚藍光交抱  
舍水桃花色合圍臺通人竹塢淡淡入謝客松扉遠  
遠開定與西湖爭勝負只應惟欠使君杯

和李上舍冬日書事

韓駒

北風吹日晝多陰日暮擁階黃葉淡倦鵲遶枝翻凍  
影飛鴻摩月墮孤音推愁不去如相覓與老無期稍

見侵顧籍微官少年事病來那復一分心

夜泊寧陵

汴水白馳三百里扁舟東下便開帆旦辭杞國風微  
北夜泊寧陵月正南老樹扶霜鳴窸窣寒花垂露落  
粼粼茫然不悟身何處水色天光共蔚藍

次韻子由題平山堂

秦觀

棟宇高開古寺間盡收佳處入雕欄山浮海上青螺  
遠天轉江南碧樹寬雨檻幽花滋淺淚風巵清酒漲  
微瀾遊人若論登臨美須作淮東第一觀

遊鑑湖



畫舫珠簾出繚牆天風吹到芰荷鄉水光入座盃盤  
瑩花氣侵人笑語香翡翠側身窺綠酒蜻蜓偷眼避  
紅粧蒲萄力緩單衣怯始信湖中五月涼

會蓬萊閣

冠裳蓋坐灑清風軒外時聞韻釋龍人面春生紅玉  
液銀盤煙覆紫駝峯天涵秋色山山共樹攬鄉思葉  
葉重更欲買船江北去爲懷明德更從容

次日再次韻

陳造

鷗雙鷺隻傍汀沙却匯沙汀過客車清吹解撩鬢竹  
嘯高山如受衆峯衙寒生碧澗懸魚網潤著蒼崖賸

土花所惜隔牆紅紫滿行行無暇訪山家

• 再次韻自詵簡賓王

庾郎曾次在堆愁馮衍才名迄不投歸去來兮歲華  
晚末如何矣鬢毛秋令感心事千年鶴張翰生涯一  
葉舟回首月堂金谷夢却憐海蜃結飛樓

孟明田舍

呂本中

未嫌衰病出無驢尚喜冬來食有魚往事高低半枕  
夢故人南北數行書茅茨獨倚風霜下稷稻微收鴈  
鷺餘欲識淵明只公是邇來吾亦愛吾廬

竹夫人

與君宿昔尚同牀正坐西風一夜涼  
僂學短檠牆角棄不如團扇篋中藏  
人情易變乃如此世事多虞祇  
自傷却笑班姬與陳后一生辛苦望專房

雨後至城外

日日思歸未就歸只今行露已沾衣  
江村過雨蓬麻長野水連天鶴鶴飛  
塵務却嫌經意少故人新夏得  
書稀鹿門縱隱猶多事苦向人前說是非

食筍

曾幾

花事闌珊竹事初一番風味殿春蔬  
龍蛇戢戢風雷後虎豹斑斑霧雨餘  
但使此君常有子不憂每食嘆

無魚丁寧下番須畱取障日遮風却要渠

長至日述懷寄十七兄

老來逾覺白駒忙眼看重陽又一陽  
心似死灰飛不起技如寒日短中長  
厭看賓客空投謁強對妻孥略  
舉觴回首山陰酬勸地應憐鴻鴈不成行

自七月二十五日大雨三日秋苗以蘇喜作

一夕驕陽轉作霖夢回涼冷潤衣襟  
不愁屋漏床床濕且喜溪流岸岸深  
千里稻花應秀色五更桐葉最  
知音無田似我猶欣舞何況田家望歲心

逮子得龍團勝雪茶兩胯以歸予其直萬錢云

詩宗 不度集  
移人尤物衆談誇持以趨庭意可嘉鮭菜自無三九  
種龍園空取十千茶烹嘗僂恐成災怪把玩那能定  
等差賴有前賢小團例一囊淡貯只傳家

夜雨

陳與義

經歲柴門百事乖此身只合臥蒼苔蟬聲未足秋風  
起木葉俱鳴夜雨來碁局可觀浮世理燈花應爲好  
詩開獨無宋玉悲歌念但喜新涼入酒盃

以事走郊外示友

二十九年知己非今年依舊壯心違黃塵滿面人猶  
去紅葉無言秋又歸萬里天寒鴻鴈瘦千村歲暮鳥

鳥微往來屑屑君應笑要就南池照客衣

若拙弟說汝州可居已約卜一丘用韻寄元東  
四歲冷官居獲地三年羸馬帝王州陶潛迷路已良  
遠張翰思歸那待秋病鶴欲飛還躑躅孤雲將去更  
遲留盍簪共結雞豚社一笑相從萬事休

對酒

新詩滿眼不能裁鳥度雲移落酒杯官裏簿書無日  
了樓頭風雨見秋來是非裒裒書生老歲月匆匆燕  
子回笑撫江南竹根枕一尊呼起鼻中雷

登岳陽樓

言  
洞庭之東江水西簾旌不動夕陽遲登臨吳蜀橫分  
地徙倚湖山欲暮時萬里來游還望遠三年多難更  
凭危白頭弔古霜風裏老木蒼波無限悲

陪粹翁舉酒於君子亭下海棠方開

世故驅人殊未央聊從地主借繩牀春風浩浩吹遊  
子暮雨霏霏溼海棠去國衣冠無態度隔簾花葉有  
輝光使君禮數能寬否酒味撩人我欲狂

送熊博士赴瑞安令

衣冠袞袞相逢處草木蕭蕭未變時聚散同驚一枕  
夢悲歡各誦十年詩山林有約吾當去天地無情子

亦飢笑領銅章非失計歲寒心事欲淡期

次韻周教授秋懷

一官不辦作生涯幾見秋風捲岸沙宋玉有文悲落  
木陶潛無酒對黃花天機袞袞山新瘦人世悠悠日  
自斜誤矣載書三十乘東門何地不空瓜

次韻家叔

袞袞諸公車馬塵先生孤唱發陽春黃花不負秋風  
意白髮空隨世事新閉戶讀書真得計載肴從學豈  
無人只應又被支郎笑從者依然困在陳

雨晴

言宗 六度集  
天鏡西南江面清纖雲不動小灘橫牆頭語鵲衣猶  
濕樓外殘雷氣未平盡取微涼供穩睡急搜奇句報  
新晴今宵絕勝無人共臥看星河盡意明

次韻樂文卿故園

故園歸計墮虛空啼鳥驚心處處同四壁一身長客  
夢百憂雙鬢夏春風梅花不是人間白日色爭如酒  
面紅且復高吟置餘事此生能費幾詩筒

懷天經智老因以訪之

今年二月凍初融睡起茗溪綠向東客子光陰詩卷  
裏杏花消息雨聲中西菴禪伯還多病北柵儒仙只

固窮忽憶輕舟尋二子綸巾鶴氅試春風

清明

雨晴閑步澗邊沙行入荒林聞亂鴉寒食清明驚客  
意暖風遲日醉梨花書生投老王官谷壯士偷生漂  
母家不用鞦韆與蹴鞠只將詩句答年華

次韻尹潛感懷

胡兒又看繞淮春嘆息猶爲國有人可使翠華周宇  
縣誰持白扇靜風塵五年天地無窮事萬里江湖見  
在身共說金陵龍虎氣放臣迷路惑煙津

野泊對月有感

周尹潛

可憐江月亂中明應識逋逃家客情斗柄闌干洞庭  
野角聲淒斷岳陽城酒添客淚愁仍濺浪卷歸心暗  
自驚欲問行朝近消息眼中羣盜尚縱橫

已酉中秋任才仲陳去非會飲岳陽樓上酒半  
酣高談大笑行草間出誠一時俊遊也爲賦之

姜光彥

岳陽樓高幾千尺俯視洞庭方酒酣萬頃波光天上  
下兩山秋色月東南興來鸞鶴隨行草夜永魚龍駭  
笑談我欲煩公釣鼈手盡移雲水到松庵

秋夜獨酌

黃師憲

溪山態足身無事天地功淡歲有秋投老相從管城  
子平生得意醉鄉侯捲簾清坐月排闥橫笛人家風  
滿樓可是離人夏遺物何緣身世兩無求

苦雨初霽

李觀

積陰爲患恐沈綿革去方驚造化權天放舊光還日  
月地將濃秀與山川泥途漸少車聲活林薄初乾果  
味全寄語殘雲好知足莫依河漢夏油然

書松陵唱和

天命相逢陸與皮當年才調兩權奇朝端未有輸忠  
處詩外應無用力時意芒直摩軒昊頂言微都洩鬼

神私近來此道中興也泉下英魂知不知

東湖

古郡城池已瞰江重湖更在郡東方水仙坐下魚鱗  
赤龍女門前橘樹香路絕塵埃非灑掃地無風雨亦  
清涼使君待客多娛樂只有醒時覺異鄉

元日書懷

王炎

年光除日又元日心事今吾非故吾兩板不須書鬱  
壘一杯亦強飲屠蘇添丁解事尋王母內子傷時念  
老姑欲報情淡恩罔極不終反哺愧林烏

春日郊外

唐庚

城中未省有春光城外榆槐已半黃山好更空餘積  
雪水生看欲倒垂楊鶯邊日暖如人語草際風來作  
藥香疑此江頭有佳句爲君尋取却茫茫

收家書

西州消息到南州骨肉無它歲有秋驥子解吟青玉  
案木蘭堪戰黑山頭即時旅思春冰拆昨夜燈花黍  
穗抽從此歸田應坐享故山已爲理菟裘

春雪晚晴出西村

范浚

步履尋春犯雪泥村南村北鷓鴣啼墮梅殘白猶明  
樹着柳暗黃初映堤風景悽晴雲擘絮江天未暮日

言定 不序集  
懸規最憐碧漲侵沙尾  
夏傷橫橋一杖藜

秋意

劉子翬

又見庭梧一葉飛  
物華心事兩差池  
百年未半老相  
逼四序平分秋  
獨悲過岸山川  
雲漠漠殘燈院落  
雨絲絲客懷料理  
須杯酒哭向窮途  
定是癡

題將軍巖

昔年棲險人何在  
髣髴樓臺杳靄間  
事去長空飛鳥  
沒時清宴坐一僧  
閒霜秋石壁黃金  
樹月夜雲濤碧  
玉灣杖策時來訪  
奇絕漁樵幽興自  
相關

分韻賦古松得青字

風韻颺颺遠又清  
蒼然瘦甲聳亭亭  
連根欲斷巖巒  
力一蓋常涵雨露  
青曾映月明  
留鶴宿近因雷  
霹帶龍腥衰殘愧  
我無仙骨願采流  
膏慰暮齡

北風

鴈起平沙晚角哀  
北風迴首恨難裁  
淮山已隔胡塵  
斷汴水猶穿故苑  
來紫色龜聲真  
倔強翠華龍哀暫  
徘徊廟堂此日  
無遺策可是憂  
時獨草萊

答人畱別之什

朱松

家在大江東復東  
去君一舍碧流通  
那知臨水登山  
處同寄飛蓬  
斷榷中愁絕  
杯中千里月  
夢縈江上一



帆風只今且作須臾意更與雲裘醉小叢

九日寫懷

程俱

節物驚心兩鬢華東籬空遶未開花百年將半仕三  
已五畝就荒天一涯豈有白衣來剝啄亦從烏帽自  
敲斜真成獨坐空搔首門柳蕭蕭噪暮鴉

遊廬山弔大林

周必大

上盡諸峯地轉平天低雲近日多陰古來南北通雙  
逕此去東西啓二林虞世南碑從泯沒白居易序合  
推尋康廬第一推仙境遂使如今忍陸沉

劉訥畫廬陵三壽圖求詩

同辭宦路返鄉閭兩驢驢中間以駑前後顧瞻羞倚  
玉支干引從偶連珠三人不用邀明月九老何妨續  
畫圖從漢二疏唐尹後相親相近此應無

羅浮寶積寺

芮燁

木落天寒山氣沉年華客意共蕭森偶於佳處發淡  
省其實宦遊非本心紅日坐移鐘閣影白雲閒度石  
樓陰還家莫話神仙事老不寬人雪滿簷

恭和御製秋日幸祕書省近體詩 呂祖謙

麟閣龍旂日月章中興再見赭袍光仰觀焜燿人文  
盛始識扶持德意長功利從今卑管晏浮華自昔陋

言完  
二戌集  
盧王愿將實學酬天造敢効明河織女襄

賀車駕幸祕書省

紫清丹極與天鄰闔闢乾坤係笑顰獨爲斯文回一  
顧坐令吾道重千鈞先王舊物參差見列聖明謨次  
第陳墨客區區感榮遇豈知淡意在彝倫

送王簡卿歸天台

劉過

枚數人才難倒指有如公者又東歸班行失士國輕  
重道路不言心是非載酒青山隨處飲談詩玉麈爲  
誰揮歸期趁得春風早莫放梅花一片飛  
詩宗戌集卷二十一

詩宗戌集卷二十二

律詩 七言二百三十五首

九日

朱文公

故國音書阻一方天涯此日思茫茫風煙歲晚添離  
恨湖海尊前卽大荒薄宦驅人向愁悴舊遊唯我最  
顛狂細思萬石亭前事辜負黃花滿帽香

壽母生朝

昨夜秋風涼氣歸今朝喜色動簾幃細斟斂灑新春  
酒戲舞斑斕舊綵衣願上龜蓮千歲壽永令鳧藻一  
家肥也知厚德天應報更說陰功世所希

下宋

月波臺

潺潺流水注回塘中作平臺受晚涼四面不通車馬  
迹一尊聊飲芰荷香韓公無復吟花鳥楚客何勞賦  
葑房少待須臾夏清絕月華零露洗匡牀

曲池軒

去年種竹長新篁今歲穿渠過野塘自喜軒窗無俗  
韻亦知草木有真香林間急雨生秋思水面微風度  
晚涼卻厭端居苦無事凭欄閑理釣絲長

次秀野韻

使君簾閣對脩筠起看名園雨後春  
便賦新詩留野

客夏傾芳酒醉花神未酬管樂平生志且作羲黃向  
上人祇恐功名相迫逐不容老子臥漳濱

次秀野躬耕桑陌舊園之韻

郊園旱久只多蹊昨夜欣沾雨一犁已辦青鞋隨老  
圃僂驅黃犢過淡溪農談刺喜鄉鄰近饁具仍教婦  
子携指點竹寒沙碧處不知何似錦城西

次韻秀野早梅

可愛紅芳愛素芳多情珍重老劉郎疎英的皜尊中  
影微月黃昏句裏香曾次自憐真玉雪人間何處有  
冰霜巡簷說盡心期事肯醉佳人錦瑟傍

再用韻題翠壁

孤亭一日盡天涯俯瞰煙村八九家翠壁何年懸布  
水綠陰經雨墮危花杖藜徒倚凝春望覓句淹留到  
晚衙珍重詩翁莫相惱枯腸攪斷鬢絲華

次亭字韻詩呈秀野丈兼簡王宰

幾年寂寞掩柴扃抱膝長吟竹下亭不向參同論納  
甲且將耘耔付添丁忠玄賦罷驚遙舉止酒詩成恨  
獨醒却笑春風兩蓬鬢蕭蕭無復舊時青

九日登天湖以菊花須插滿頭歸分韻賦詩得  
歸字

去歲瀟湘重九時滿城風雨客思歸故山此日還佳  
節黃菊清罇夏晚暉短髮無多休落帽長風不斷且  
吹衣相看下視人寰小祇合從今老翠微

抄二南寄平父因題此詩

闕里言詩得賜商千秋誰復與相望鄒汾斷簡光前  
載關洛新書襲舊芳析句分章功自小吟風弄月興  
何長從容咏嘆無今古此樂從茲樂未央

讀諸友遊山詩卷不容盡和和首尾兩篇

去年尋得李家山考卜真成屋數間要與青衿時散  
帙閑臨碧澗共觀瀾詩書本說人間事勳業休看鏡

裏顏誰識寥寥千古意新詩題罷蘚痕斑

湖嶺下十里是爲潛澹灘行者多至此捨舟

鞏仲至

急流方了又高岡日永周旋未覺忙壁上字多知店  
老嶺邊松茂喜車涼叢叢亂篠承敲石帖帖新荷戀  
小塘潛澹惡灣應笑我爲虞魚腹犯羊腸

代聖集贈別

范成大

一曲悲歌水倒流尊前何計緩千憂事如夢斷無尋  
處人似春歸挽不畱草色粘天鷓鴣恨雨聲連曉鷓  
鴒愁迢迢綠浦帆飛遠今夜新晴獨倚樓

陳侍御園上坐

愁眼逢歡春水明詩情得酒春雲生花梢蝴蝶作團  
去竹裏鶉鳩相對鳴邂逅浮生此日好纏絲俗累何  
時輕劈牋沫墨乏奇句撒笛當筵慚妙聲

早發竹下

結束晨裝破小寒跨鞍聊得散疲頑行衝薄薄輕輕  
霧看放重重疊疊山碧穗炊煙當樹直綠紋溪水趁  
橋灣清禽百轉似吟客正在有情無思間

判命坡

鑽天嶺上已飛翬判命坡前更駭聞側足二分垂壞

言  
二  
磴舉頭一握到孤雲微生敢列千金子後禍猶幾萬  
石君早晚北窓尋噩夢故應含笑老榆粉

初歸石湖

曉霧朝暎紺碧烘橫塘西岸越城東行人半出稻花  
上宿鷺孤明菱葉中信脚自能知舊路驚心時復認  
鄰翁當時手種斜橋柳無限鳴蜩翠掃空

光福塘上

指點炊烟隔莽蒼午餐應可寄前莊雞聲人語小家  
樂木葉草花深巷香春去已空衣尚絮雨來何晚稻  
初芒祇今農事村村急第一先陂貯水塘

晚步吳故城下

意行殊不計榛菅風袖飄然勝羽翰拄杖前頭雙雉  
起浮圖絕頂一鷗盤醉紅匝地斜曛暖熨練涵空漲  
水寒卻向東臯望煙火鉞蟾先暎樹林丹

丙午新正書懷

窮巷閒門本闐然強將爆竹聒階前人情舊雨非今  
雨老境增年是減年口不兩匙休足穀生能幾屐莫  
言錢掃除一室空諸有龐老家入總解禪

俗情如絮已泥沾因病偷閒意屬厭鵬鷄相安無可  
笑熊魚自古不容兼灰埋楮杅多時暖雪壓蔓菁滿

言序 不度集  
意甜溫飽閉門吾事辦異時書判指如籤

睡起

慙慙與世共兒嬉兀兀從人笑我癡閒裏事忙晴曬  
藥靜中機動夜爭棋心情書卷無佳句時節梅花有  
好枝熟睡覺來何所欠氈根香軟飯流匙

晚登木瀆小樓

萬象當樓繡繡張欄干一士立蒼茫雲堆不動山淡  
碧星出無多月淡黃宿鳥盡時猶數點歸鴻驚處更  
斜行松陵政有鱸魚上安得長竿坐釣航

親鄰招集強往便歸

樂天漸老欲謀歡大似蒸砂不作團已覺笙歌無暖  
熱仍嫌風月太清寒氣衰况復三而竭心賞猶于四  
者難卻恐人嫌情太薄聊將花作霧中看

早衰

早衰頭腦已冬烘信拙心情似苦空僚舊姓名多健  
忘家人長短總佯聾一窓暖日棋聲裏四壁寒燈藥  
氣中晚景只消如此過不堪拈出教兒童

習閒

習閒成嬾嬾成癡六用都藏縮似龜雪已許多猶不  
飲梅今如此尚無詩閒看貓暖眠氈褥靜聽鴉寒叫

竹籬寂寞無人同此意時時惟有睡魔知

得壽藏先隴之旁

密邇松楸地一隅會心何必問青烏亢宗雖媿鎮公  
子沒世尚從先大夫京兆漢阡賢聞望邢山鄭冢儉  
規模家庭遺訓焄蒿在不學邠鄉畫古圖

請息齋書事

覆雨翻雲轉手成紛紛輕薄可怜生天無寒暑無時  
令人不炎涼不世情栩栩筭來俱蝶夢啾啾能有幾  
雞鳴冰山側畔紅塵漲不隔瑤臺月露清

東園晚步

陸游

久客天涯憶故園彊名官寺只衡門秋桐蠹遍無全  
葉古柳吹斜出半根痛飲每思尊酒窄微官空羨布  
衣尊何時定下三巴去忠臥孤舟聽斷猿

卜居

歷盡人間行路難老來要覓數年間供家米少因添  
鶴買宅錢多爲見山池面紋生風細細花根土潤雨  
斑斑借春乞火依鄰里剩釀村醪約往還

暇日行城上同行追不能及

疾步登城殊未衰欣然一笑擲筇杖正當閒似白鷗  
處不減健如黃犢時秋野烟雲橫慘淡暮天樓閣倚



言集 卷之四  
參差高吟醉舞忘歸去乞與丹青畫怪奇

西村醉歸

俠氣崢嶸蓋九州一生常恥爲身謀酒寧剩欠尋常  
債劍不虛施細碎讎歧路凋零白羽箭風霜破弊黑  
貂裘陽狂自是英豪事村市歸來醉跨牛

霜天晚興

薄霜門巷不勝清小立湖邊夕照明紅顆帶芒收晚  
稻綠苞和葉摘新橙閑評琴價畱僧話靜聽松聲領  
鶴行壯志消磨渾欲盡西風莫動玉關情

北牕閒咏

陰陰綠樹雨餘香半捲疎簾置一床得祿僅償賒酒  
券思歸新草乞祠章古琴百衲彈清散名帖雙鉤搨  
硬黃夜出灞亭雞跌宕也勝歸作老馮唐

故山

功名莫苦怨天慳一櫂歸來到死閑傍水無家無好  
竹卷簾是處是青山滿籃箭茁瑤簪白壓擔稜梅鶴  
頂殷野興盡時尤可樂小江烟雨趁潮還

晚春感事

徙倚闌干送落暉年華冉冉恨依依護雛燕子常更  
出著雨楊花又懶飛已爲讀書悲眼力還因攬帶歎

言  
腰圍親朋半作荒郊塚欲話初心淚滿衣

冬晴閒步東村由故塘還舍作

紅藤拄杖獨相羊路繞東村小嶺傍水落枯萍黏蟹  
椹雲開寒日上漁梁洛陽二頃言良是光範三書計  
本狂歷盡危機識天意要令閒健反耕桑

新闢小園

新展山園半畝強笑人車馬出籠坊山禽乍暖慙  
語野鷺無風自在香點點水紋迎細雨疎疎籬影界  
斜陽出門遙向鄰翁說釋耒相從共一觴

春晚村居

一事元無可得忙悠然半醉倚胡牀牡丹枝上青春  
老燕子聲中白日長身世已如風六鷁文章仍似閨  
黃楊太平有象無人識南陌東阡擣麩香

先少師宣和初有贈晁公以道詩云奴愛才如  
蕭穎士婢知詩似鄭康成晁公大愛賞今逸  
全篇偶讀晁公文集泣而足之

士不逢時勇退耕閉門自號景迂生遠聞佳士輒心  
許老見異書猶眼明奴愛才如蕭穎士婢知詩似鄭  
康成早孤遇事偏多感欲續殘章涕已傾

春晚

詩宗 一  
新綠成陰小雨時  
幅巾蕭散與閒宜  
燕歸赴訴經年別  
鶯晚分疏出谷遲  
曉枕呼兒投宿酒  
莫聽畱客算殘基  
備然此意風塵表  
正恐羲皇未必知

美睡

老來曾次掃崢嶸  
投枕神安氣亦平  
漫道布衾如鐵冷  
未妨鼻息自雷鳴  
天高斗柄闌干繞  
露下雞埒隔膊聲  
俗念絕知無起處  
夢爲孤鶴過青城

書感

老荷寬恩許退耕  
絲毫無報亦何情  
民貧樂歲尚艱食  
道喪異端方肆行  
黨禍本從名輩出  
弊端常向盛

時生古人骨冷青松下  
誰起英魂與細評

初夏閒步邨落間

薄雲韜日不成晴  
野水通池漸欲平  
綠葉忽低知鳥立  
青萍微動覺魚行  
醉遊放蕩初何適  
睡起逍遙未易名  
忽遇湖邊隱君子  
相攜一笑慰餘生

嘆老

身歷遭回事萬端  
天教林下養衰殘  
文編似是他人作  
書卷如曾隔世觀  
久已悠悠置恩怨  
况能一一記悲歡  
牀頭周易眞良藥  
不是書生強自寬

戲遣老懷

言定 六度集  
平生碌碌本無奇况是年垂九十時阿囷略如郎罷  
老穉孫能伴太翁嬉花前騎竹強名馬階下埋盆僂  
作池一笑不妨閒過日嘆衰憂死却成癡

初夏閒居

雲液初筍小甕香風漪乍展北窻涼巢乾燕乳蟲供  
哺花過蜂閒蜜滿房閉戶不知春已去鈔書但覺日  
方長所嗟詩思年來減虛負奚奴古錦囊

林間書意

三三兩兩市船回水際柴門尚未開垂綠笋梢風正  
惡弄黃梅子雨初來紅螺杯小傾花露紫玉池淡貯

麝煤領取林間閒富貴向來誤計伴鄒枚

秋夜獨坐聞里中鼓吹聲

收盡浮雲見素娥青天脈脈映明河時平里巷吹彈  
鬧歲熟人家嫁娶多高會不知清夜永散歸想見醉  
顏酡小窻燈火晶熒處也有人麝七月歌

書齋壁

平生憂患苦縈纏菱刺磨成芡實圓天下不知誰竟  
是古來唯有醉差賢過堂未悟鐘將覺睨柱誰知壁  
偶全自笑爲農行沒世尚如驚鴈落空弦

春行

詩宗

八或集

言集 六  
九日春陰一日晴強扶衰病此閑行猩紅帶露海棠  
濕鴨綠平堤湖水明酒賤林陰逢醉臥牛肥稻隴看  
淡耕山翁莫道渾無用解與明時說太平

初夏幽居

虛堂一幅接羅巾竹樹森疎夏令新  
斲竭重招麴道士床空新聘竹夫人  
寒龜不食猶能壽弊帚何施亦  
自珍枕簟北窓寧有厭小山終日尚嶙峋

題庵壁

衰髮蕭疎雪滿巾君恩乞與自由身  
身并猿鶴爲三口家托烟波作四鄰  
十日風號未成雪一年梅發又

催春漁舟底用勤相覓本避浮名不避人

小築

放翁小築寄江郊屋破隨時旋補茅  
暮看白煙橫水際曉聽清露滴林梢  
生來不啜猩猩酒老去那營燕  
燕巢目斷鹿門三太息龐公千載可論文

窮居

半世佞佞信所之窮居仍抱暮年悲  
燒金術誤囊衣薄種黍年凶酒味醜  
大廈萬間空有志後車千乘更  
無期掩書常笑城南杜麻屨還朝受拾遺

初冬

老客人間百事慵  
樂哉閉戶過今冬  
朝爐獸炭騰紅焰  
夜榻蠻氈擁紫茸  
媚刺坼蓬新栗熟  
鵝雛弄色凍醅濃  
題詩正自消閒日  
本不爭先萬戶封

湖村

四十來居湖上村  
翩翩七見改初元  
風梢解擇竹齊母  
露葉成陰桐有孫  
渴鹿出林窺藥井  
馴鷗掠水傍  
碁軒老人不用誇  
頑健時看孫曾浴  
畫盆

羸臥

羸臥將如老景何  
小園風月且婆娑  
茶因春困論交密  
酒為家貧作態多  
馬上元無聽雞句  
原頭那有飯

牛歌自憐遠屏猶多事  
賣藥歸來買釣蓑

雪意

風吼江郊雪意濃  
雲如兩陣沒雌雄  
山寒酒過平時量  
牕黑書虧半日功  
閑話夏端茶竈熟  
清詩分韻地  
爐紅不須遽覓華  
胥路夏俟天花落  
坐中

新年書感

嘉定二年己巳放翁年八十六  
此詩全未覺  
老耄數日前自註謂大兒新年六十二  
仲子六十季子亦近六十亦可謂稀有矣  
是年冬放翁卒

詩宗 一戌集  
早歲西遊賦子虛暮年負耒返鄉閭殘軀未死敢忘  
國病眼欲盲猶愛書朋舊何勞記車笠子孫幸不廢  
苗畝新年冷落如常日白髮蕭蕭悶自梳

書懷

趙彥先

柳影槐陰綠遶廳日長細得話詩情迎風紫燕忽雙  
去隔雨黃鸝又一聲筆墨生涯成冷淡筍蔬盤饌易  
經營世間微利眞刀蜜有底驅馳取重輕

游雲頂院和徐叔子韻

陳傅良

老大生憎兒女態更無春怨與秋悲略將盃酌隨空  
具剩有溪山取次嬉愛客不妨兼汎汎論文何苦太

奇奇况曾窺得尊生術通昔蒲團日一炊

答章漢直

楊萬里

詩人今代謝宣城舉子新年章子平雨剩風殘忽春  
暮花催草喚又詩成五湖烟水三冬臥萬里雲霄一  
日程老裏睡多唵裏少舊家句熟近來生

曲江重陽

煙描水寫老秋容嶺外秋容也自濃如見大賓新露  
菊若歌商頌晚風松插花醉照濂溪井吹髮慵登帽  
子峯莫問明季衰與健茱萸何處不相逢

題水月寺寒秀軒

詩宗

一戌集

古寺深門一徑斜  
遶身縈面總烟霞  
低低檐入低低樹  
小小盆成小小花  
經藏中間看佛畫  
竹林外面是人家  
山僧笑道知儂渴  
其實迎賓例瀹茶

再和謝朱叔正機宜投贈獎及南海集之句

重陽風雨不全篇  
春草池塘豈滿編  
好句誰言較多少  
古人信手斲方圓  
自慚下下中中語  
祇合休休莫莫傳  
珍重銀鈎揮玉唾  
竟無瑤報只空然

駕幸聚景晚歸有旨次日歇泊

身在長安夢故山  
故山未去且長安  
落紅滿地莫教掃  
新綠隔牆聊借看  
竹葉勸人行樂事  
榴花爲我遣

春寒賜休又得明朝睡  
不問三竿與兩竿

都下食笋自十一月至四月戲題

竹祖龍孫渭上居  
供儂罇俎半季餘  
斑衣戲綵春無價  
玉版談禪佛不如  
若怨平生食無肉  
何如陋巷飯斯蔬  
不須庾韭元修菜  
喫到憎時始憶渠

送周元吉顯謨左司將漕湖北

彼此江湖漫浪翁  
相逢遞宿省西東  
兩窮握手論詩後  
一笑投膠入漆中  
臨水登山公別我  
青鞋布襪我從公  
貂裘已博江西艇  
只待黃花半席風

跋姜春坊梅山詩集



言  
二  
松風礪水打牕聲玉佩瓊琚觸眼明當畫如何挂秋  
月未春特地轉新鶯只銷一卷梅山集幻出多般景  
物情老子平生有詩癖爲君焚却老陶泓

過楊村

石橋兩畔好人烟匹似諸村別一川楊柳陰中新酒  
店葡萄架底小漁船紅紅白白花臨水碧碧黃黃麥  
際天政爾清和還在道爲誰辛苦不歸田

雨過郡圃行散

劔池一日百週遭雨後閑來照鬢毛主管園林鶯稱  
意巡行荷芰鷺宣勞不須見我還飛去便與移文告

汝曹一事惱人無問處南山高是北山高

過謝家灣

行盡牛蹊兔徑中忽逢平野四連空意隨白鷺一雙  
去眼過青山千萬重近領已看看遠領連峯不愛愛  
孤峯一丘一壑知何意疎盡官人着牧童

至後睡覺

匆匆又過一陽生睡恰濃時夢忽驚簾幕淡沉人四  
寂塔除點滴雨三更燈搖芒角開成暈風吸窓櫺過  
後聲不是寒雞寒似我如何不肯喚天明

清明日午憇黃池鎮

詩

卷

莫笑孤村小市頭花邊人出浦邊遊綠楊拂水雙浮  
鴨碧草粘天一落鷗嬾困風光酣午睡陰沉天氣嫁  
春愁阿誰道是清明節我對清明喚作秋

明發周村灣

不住寬鄉住甕門那知世上有乾坤環將峻嶺包溪  
谷園出餘天與別村茅屋相挨無着處花溪百摺不  
教奔江淮地迴寒無價宣歙山寒夏莫論

明發黃土龕過高路

又過崢嶸兩峽間也無溪水也無田嶺雲放脚寒垂  
地山麥掀髯翠拂天碧玉屏風吹不倒青綾步帳買

無錢詩人富貴非人世猶自淒涼意惘然

閬門外登溪船

無家不住曲溪邊祇種高山不種田絕壁如天天入  
水亂篙鳴石石鳴船百灘春浪雲頭過兩岸林花鏡  
底眠歸路商量夏舟楫廬山彭蠡好風煙

發趙屯得風宿楊林池是日行二百里

動地風來覺地浮拍天浪起帶天流舞翻柳樹知何  
喜拜殺蘆花未肯休兩岸萬山如走馬一帆千里送  
歸舟出籠病鶴孤飛後回首金籠始欲愁

登鳳凰臺

言宗 大成集  
千年百尺鳳凰臺送盡潮回鳳不回白鷺北頭江草  
合烏衣西面杏花開龍蟠虎踞山川在古往今來鼓  
角哀只有謫仙畱句處春風掌管拂蛛煤

上已寒食同日後圃散行

百五重三併一朝風光不怕不嬌燒鹿蔥引道心猶  
卷楊柳膺門手對招筇未喚隨非是強扇聊作伴不  
須搖先生道是無歌舞花勸鶯酬酒自銷

十六日夜再同子文巨濟叔祭南溪步月

際晚溪遊暮欲歸追涼逐勝却成遲月如醉眼生紅  
暈山作愁眉帶淡姿天下無人間似我秋邊有句說

知誰弟兄一再更相送行到更深笑不知

重九前四日晝睡獨覺

睡忠初酣過午彊起來四顧已斜陽添糊牕隔無風  
氣旋曬衣裘有日香舊雨不來從草綠新豐獨酌又  
花黃去年重九窮忙過可遣今年更作忙

過楊子江

祇有清霜凍太空更無半點荻花風天開雲霧東南  
碧日射波濤上下紅千古英雄鴻去外六朝形勝雪  
晴中萼瓶自汲江心水要試煎茶第一功

送丘宗卿帥蜀

諭蜀宣威百萬兵不須號令自精明酒揮勃律天西  
椀鼓臥蓬婆雪外城二月海棠傾國色五夏杜宇說  
鄉情少陵山谷千年恨不遇丘遲眼爲青

次韻傅唯肖

蕭千岩

竹根蟋蟀太多事喚得秋來籬落間又過暑天如許  
久未償詩債若爲顏肝腸與世若相反巖壑嗔人不  
早還八月放船飛樣去蘆花叢外數青山

校畢歸之

薛季宣

倒墨扶周復古文清輝萬丈醇乎醇七篇奧義遠相  
繼六代潛光今又新字假通才識魚魯車慚寡學改

金銀異書喜得君無靳此道中興知有人

奉題游洋張明府流香亭時以薦章數下涉秋

月馬首且欲西矣因以寄意云

林光朝

封題青李數緋桃處分園林意自豪旋出篇章陪樂  
府夏憑花木續離騷餘醺架下提春榼蒼筍林中滴  
夜槽却是秋風生馬耳未應老大笑牛刀

送提舉楊大監解組西歸

尤袤

征轅已動不容攀回首棠陰蔽芾間爲郡不知歌舞  
樂憂民贏得鬢毛斑澄清未展須持節注想方溪便  
賜環從此相思隔煙水夢魂飛不到螺山

晚晴

趙昌父

殘風落日蟬亂鳴細履小園欣晚晴投林倦鳥分暝  
色滿地落葉無秋聲衛尉一錢曾不直阮郎幾屐畢  
平生三十六中第一策脫却世故甘傭耕

十一月五日晨起書呈葉德璋司法

臥聞落葉疑飄雨起對空庭蓋卷風政自摧頽同病  
鶴况堪吟諷類寒蟲忽思有客渾如我却念題詩不  
似公已分齏鹽終白首可因霜雪媿青銅

出郭

疎籬樹樹李花雪野寺條條楊柳絲春風收雨雨收

後白日變晴晴變時有餘不足無盡景截長補短何  
限詩烟霞痼疾句成僻老矣折肱真得醫

晚春

韓琥

幽砌疎畦送晚春水流山靜見閒身行吟散去風光  
好熟睡醒來雨氣新木筆豈非濃意態石楠終是淡  
精神鶯聲圓處鶻聲急景物要之不負人

次韻知常德袁尊固監丞送別

魏鶴仙

細把行藏為子評只知盡分敢微名出如有益殷三  
聘用不能行魯兩生此道古人如飲食後來竈婢或  
猜驚子雲亦號知書者猶把商山作採榮

題釣臺

潘德久

蟬冠未必似羊裘出處當時已熟籌但得諸公依日月不妨老子臥林丘英雄陳迹千年在香火空山萬木秋自笑黃塵吹鬢客愛來祠下繫孤舟

過虞美人墓

樽前一曲奈何歌千古英雄恨不磨女子在軍今莫問君王復諫向來多最怜秋雨添孤穴誰與春醪酌棘窠一朽何須論異域寄聲青冢太娵娵

寄陳正己

曾極

展屨深閑斷經過倒摺塵編且臥疴九十日春晴景

少一千年事亂時多喻成楚些糶愁絕鬢染吳霜奈老何心鐵正堅忠急試憶君中夜起悲歌

小亭

葛無懷

小亭終日對幽叢兀坐無言似定中蒼蘚靜連湘竹紫綠陰淡映蜀葵紅貓來戲捉穿花蝶雀下偷銜卷葉蟲斜照尚多高柳少明年更欲種梧桐

送王伯奮守筠陽

樓鑰

三槐名德萃清門七葉為州賴有君道院無忘山谷賦郡齋當寄穎濱文君應膝上憐文度我向東床憶右軍振起家聲差易耳僂看奏最躡青雲

寄徐丞

趙師秀

病不窺園經一月夏無人迹損青苔池禽引子銜魚  
去野蔓開花上竹來亦欲鬢毛休似雪爭如丹汞只  
為秋風昨夜吹寒雨有夢南遊到海迴

移居謝友人見過

賃得民居亦自清病身於此寄飄零笋從壞砌磚中  
出山在隣家樹上青有井極甘便試茗無花可插任  
空餅巷南巷北相知少感爾詩人遠扣扃

姑蘇臺作

何人可與話登臨徒倚危欄日又沉千古蒼茫青史

夢一年迢遞故鄉心天無雨雪梅花早地有波濤鴈  
影深為是夫差舊臺榭愁來不敢越人吟

鮑使君閑居

翁卷

吟樓影在湖波上吟景長從望處生墨石擬成幽嶂  
色種松移得遠灘聲多語藥品曾因病却着荷衣欲  
避名間說近來心更靜案頭惟有一琴橫

寓南昌僧舍

突兀禪宮何代餘閒同衲客聽鐘魚身如野鶴栖無  
定愁似頑藤挽不除舊隱定多新長竹遠交全乏近  
來書爐香椀茗晴牕下數軸楞伽屢展舒

次韻葛天民

接得詩來勝接書意君情思豁然舒却看城裏誰家  
竹又鎖湖邊舊住廬曾有退之憐賈島豈無得意薦  
相如欲知別後予蹤跡只向此間閒釣魚

會飲鮑使君池亭

徐照

案上一琴書數卷不須此處有笙歌厭居城市觀天  
小喜到君家見月多葉滿地飛隨步履鶴於人熟聽  
吟哦明朝也向山中去手把松枝養太和

題東山道院

徐璣

古院嵌敲石作層綠苔芳草近郊垆溪流偶到門前

合山色偏來竹裏青靜與黃蜂通戶牖閒將白鳥共  
沙汀道人亦有能琴者一曲清微最可聽

六月歸道

星明殘點數峯晴夜靜微聞水有聲六月行人須早  
起一天涼露溼衣輕宦情每向途中薄詩句多於馬  
上成故里諸公應念我稻花香裏計歸程

老歎

劉克莊

肘後奇書懶更開只今年鬢已相催但聞方士騰空  
去不見童男入海迴無藥能留炎帝在有人曾哭老  
聃來醉鄉一路差堪向終擬劉伶冢畔埋



答友生

讀易參禪事事奇  
高情已恨挂冠遲  
清于楚客滋蘭日  
貧似唐人乞米時  
家為買琴添舊債  
廚因養鶴減晨炊  
君看江表英雄傳  
何似孤山一卷詩

烏石山

兒時逃學頻來此  
一一重尋盡有蹤  
因漉戲魚羣下水  
緣敲響石鬪登峯  
熟知舊事唯鄰叟  
催去韶華是暮鐘  
畢竟世間何物壽  
寺前雷竹百年松

偶賦

身已淡藏與俗知  
客來鄰曲善為辭  
偶彈冠起成何

事徑拂衣歸自一  
奇村飲婦常留燭  
待山行童亦挾書  
隨明時性學尤通  
顯却悔從初業小  
詩

題方武成詩草

性僻愛詩如至寶  
借君詩卷百迴看  
唵來體犯諸家少  
改定人移一字難  
東瀑為題猶夭矯  
香山入句尚蒼寒  
嗟余老鈍資磨琢  
安得同衾語夜闌

身在一首

身在樵村釣瀨行  
秋毫不與市朝爭  
目云嗜酒相繩急  
訪到吟詩所犯輕  
沉水一鉢銷永晝  
蠹書數葉伴殘更  
閉門孤學無窮味  
笑殺韓公接後生

耕仕一首

耕不逢年仕背時蕭然并白揜茅茨貧求生墓爲謀  
早病學還丹見事遲馬上功名成畫餅林間身世似  
持棋未應對客呈飢面尚有荒園可種葵

爲圃

屋邊廢地稍平治裝點風光要自怡愛敬古梅如宿  
士護持新筍似嬰兒花窠易買姑添價亭子難營且  
築基老矣四科無入處旋鋤小圃學樊遲  
衰病歸來占把茅譬如僧菴退居寮因存橘樹斜通  
逕怕礙荷花小著橋古有功名興釣築今無物色到

漁樵可憐歲晚閒雙手種罷蕪菁擷菊苗

卽事

買得荒郊五畝餘旋營花木置琴書柳能樊圃猶須  
種蘭縱當門亦不鋤無力改牆姑覆草多方存井要  
澆蔬區區才志聊如此誰謂先生廣且疎

目爲詩客不勝慙喚作園翁定自堪抱甕荷鋤非鄙  
事栽花移竹似清談野人只識羹芹美相國安知食  
笋甘晚覺齊民書最要惜無幽士肯同參

答雷通判元崇

不見龍驤與驥馳紛紛蟲篆鬪蛛絲君侯傑出南方

言集  
者老僕終當北面之憶玉樹枝勞遠夢熏薔薇水讀  
來詩自慚眼力非關令紫氣浮空惜不知

次韻實之春日

梅醜朝衣塵滿靴曾穿細仗對延和角巾久已尋初  
服錦帳何須戀舊窩能讀書人天下少不如意事古  
來多半生寂寂因迂闊垂老方驚歲月蹉

廣州都試

自昔番禺統府雄君恩暫許領元戎不羞短髮垂肩  
白且愛前旌照眼紅筆久不靈芳草檄臂新無力怯  
開弓即今超距多梟俊安用轡車載此翁

送葉士巖

曾約還轅訪爵羅幾迴掃榻佇經過待先生敬雖如  
此與老人期奈後何走馬看花消許急殺雞爲黍誤  
儂多吳中故舊還相問一臂偏枯兩鬢皤

送表弟方時父

棄置空村飽世情高軒乃肯顧柴荆韓甥殷浩貧親  
戚李益盧綸外弟兄兩鬢蕭疏驚老大一燈明滅話  
平生刺桐花下逢予季多致詩人未害清

答謝法曹

二詩簡澹掃穠華作者幾無以復加璧十五城方定

詩宗 一  
價桃三千歲一開花選騷意度卑唐體晉宋文章讓  
謝家莫道老夫今老矣平章此事不應差

挽陳師復寺丞

已奏囊封墨尚新又携袖疏榻前陳小臣憂國言無  
隱先帝如天笑不嗔闕下舉幡空太學路傍臥轍幾  
遺民愚儒未解天公意偏壽他人天此人

宿千歲庵聽泉

因愛菴前一脈泉襟袞來此借房眠驟聞將謂溪當  
戶久聽翻疑屋是船變作怒聲猶壯偉滴成細點更  
清圓君看昔日蘭亭帖亦把湍流替管絃

和居東村作

王庭珪

避地東村淡幾許青山窟裏起炊烟敢嫌葦屋絕低  
小淨掃土床堪醉眠鳥不住啼天更靜花多晚發地  
應偏遙看翠竹娟娟好猶隔西泉數暖田

鄂渚烟波亭

戴復古

倚遍南樓更鶴樓小亭瀟洒最宜秋接天烟浪來三  
峽隔岸樓臺又一州豪傑不生機事息古今無盡大  
江流凭欄日暮懷鄉國崔顥詩中舊日愁

湖南見真師

致身雖自文章選經世尤高政事科以若所為即伊

言宗  
呂使其不遇亦丘軻長沙地窄儒衣闊明月池乾春  
水多天以一賢私一路其如四海九州何

見淮東制帥趙南中侍郎相待厚甚特送買山  
錢又欲刊石屏詩置于揚州郡齋話別敘謝

如公當向古人求識面何須萬戶侯浪說釣鼈游瀚  
海真成騎鶴上揚州受恩多處難爲別宿酒醒時始  
覺愁回首平山堂下路不堪風雨送歸舟

患歸

老矣歸歟東海村長裾不復上王門肉糜豈勝魚羹  
飯紈袴何如犢鼻褌是處江山如送客故園桐竹已

生孫分無功業書青史或有詩名身後存

京口別石龜翁際可

把劔樽前砍地歌有何畱戀此蹉跎心期難與俗子  
道世事不如人意多蓮葉已空猶有藕菊花雖老不  
成莎扁舟四海五湖上何處不堪披釣蓑

飲中

布衣不換錦宮袍刺骨清寒氣自豪腹有別腸能貯  
酒天生左手慣持螯蠅隨驥尾空千里鶴在雞羣亦  
九皋賢似屈平因獨醒不禁顛頰賦離騷

客游

不能鬱鬱窟中藏  
大笑出門游四方  
與世周旋持酒盞  
觀人勝敗坐基傍  
倒餐甘蔗入佳境  
畫着錦衣歸故鄉  
此志十年猶未遂  
倚樓心事楚天長

癖習

平生癖習未全除  
虛事驚心實事疎  
為惜落花慵掃地  
每看脩竹欲移居  
逢人共作亾何飲  
撥冗時觀未見書  
爭奈一貧隨我在  
思量不若把犁鉏

送黃教授日巖之官章貢

久矣聞名不相識  
江湖還有見君時  
出人意表發高論  
入我眼中多好詩  
欲對春風開笑口  
不堪世事上

愁眉憑誰寄語謝安石  
莫為蒼生起太遲

家居復有江湖之興

寒儒家舍只尋常  
破紙牕邊折竹牀  
接物罕逢人可語  
尋春多被雨相妨  
庭垂竹葉因空酒  
室有蘭花不炷香  
到底閉門非我事  
白鷗心性五湖傍

題亾室真像

求名求利兩茫茫  
千里歸來賦悼亾  
夢井詩成增悵恨  
鼓盆歌罷轉淒涼  
情鍾我輩那容忍  
乳臭諸兒最可傷  
拂拭丹青呼不醒  
世間誰有返魂香

送別朱兼僉

言宗 二片集  
恰喜相逢又語離愁於江上送君時清談未了風吹  
斷白髮可憐天不知樗木自肥傷竹瘦海棠偷放笑  
梅遲黃堂若問癡頑老新有登樓十二詩

閒居幽事

戴 昂

閒居幽事屬田園何必山林始避喧足水早禾分母  
子多年脩竹見翁孫欣然勝敗無心奕兀爾醉醒隨  
意罇昨夜一番雷雨過綠波微漲曲池痕

聞雨

方 岳

夜聞一霎兩霎雨春着村南村北花紫綿撲撲海棠  
蘂翠毵茸沙蔣芽遊芳要非老者事幽意自屬山

人家東風莫漫盡桃李留與繞屋淡桑麻

過北固山下舊居

池塘燕子舊人家楊柳春寒一徑斜夜讀自生書帶  
草朝飢曾對米囊花侯誰在矣山如昨今我來忠鬢  
已華舍館不知何日定竹輿鳴雨又啞啞

春日雜興

春來多病感頽齡草藥泥瓶不暫停身似漏船難補  
貼齒如敗屐久凋零炎黃豈解畱年壽莊老聊堪悅  
性靈長劔拄頤兒戲耳底須麟閣夏圖形

熙春臺用戴式之韻

山城無處着鼉頭與客相攜汗漫遊六月亦寒空翠  
合一溪不盡夕陽流有蔬笋氣詩逾好無綺羅人山  
夏幽白雪翻匙秋已近洗吾老瓦起相疇

水月園送王侍郎

送別孤山步遶湖闌干盡處倚菰蒲翁之樂者山林  
也客亦知夫水月乎萬事不如歸自好百年聊與醉  
爲徒藕花初醒蓴絲老喚住罾船鱸腹史

贛州再贈

文天祥

此別重逢又幾時贈君此是第三詩衆人皆醉從教  
酒獨我無爭且看棊凡事誰能隨物競此心只要有

天知自知自有天知得切莫逢人說項斯

龍霧州覺海寺次李聞溪壁間韻

闍黎鐘後訪團蒲江色漫漫晝欲晡一笛梅邊何滿  
子千蓑蘆外筆頭奴急風吹鴈還家未新雨生濤到  
海無本是白鷗隨浩蕩野田漂泊不爲孤

訓潘景玉

林景熙

讀史雙眸夜炯然一聲江鴈落燈前馬非汗血材終  
下木或青黃性不全風月未容詩入務乾坤應許酒  
爲年寒城日出無窮事老耳山中獨聽泉

三峯寺

真山民



寂寞煙林噪亂鴉青鞋步入野僧家雲淡不礙鐘聲  
出日轉還移塔影斜廊下蝸粘沿砌蘇佛前蜂戀插  
瓶花竹床紙帳清如水一枕松風聽煮茶

贈嘉興徐同年

梁棟

憶昔青龍在戊辰馬蹏同踏杏園春歸田令尹空書  
晉執戟郎君盡美新萬事不醒中酒聖一貧無奈訟  
錢神相逢莫效窮途泣自古求仁要得仁

感寓

何夢桂

西風落日怕登樓倚徧闌千萬古愁衰漢竟成三國  
誤秣陵不改六朝羞江山有恨留青史天地無情送

白頭擊碎破壺歌不盡荒臺殘雨夢揚州

夏日龍井書事

僧道潛

却來人外慰棲遲谷遠山長萬事遺好鳥未嘗吟俗  
韻白雲還解弄奇姿藤花冉冉青當戶竹色娟娟碧  
過籬不羨故人揆禹穴短橈孤榜逐連漪

京師上元

及時膏雨已闌珊黃道春泥曉未乾白面郎敲金鐙  
過紅粧人揭綉簾看管絃沸月喧和氣燈火燒空奪  
夜寒咫尺鳳樓開雉扇玉皇僊仗紫雲端

上元宿嶽麓寺

上元獨宿寒岳寺臥看篝燈映絳紗夜久雪煖啼嶽  
頂夢回明月上梅花十分春瘦緣何事一掬鄉心未  
到家却憶少年閑樂處軟紅香霧噴京華

鞦韆

畫架雙裁翠絡偏佳人春戲小樓前飄揚血色裙拖  
地斷送玉容人上天花板潤沾紅杏雨綵繩斜劈綠  
楊烟下來閒處從容立疑是蟾宮謫降仙

己卯歲初葺剡居

戴表元

休言聲跡轉沈淪百折江湖亂後身貧未賣書畱教  
子飢寧食粥省求人坐來齒避樵蘇長往處蹤迷木

元

石鄰翻笑古來逃世者標名先製隱衣巾

樵興

方夔

已夏門戶自持鋤謝絕交遊與世疎處變卿還用卿  
法養高吾自愛吾廬屏張前世無聲畫架插今生未  
見書水北山人偏解意求分半席間樵漁

己巳三月二十六日

郝經

夢遊故國人仍獨春到空梁燕自雙雲淡星疎祇見  
斗浪平風定不聞江五更鼓角纏孤枕千里關河入  
破窓落盡好花春又老依然塵土暗金缸

和姚子敬秋懷

趙孟頫

詩

卷

三三

言宗 子成集  
搔首風塵雙短鬢側身天地一儒冠中原人物忠王  
猛江左功名愧謝安首蓓秋高戎馬健江湖日短白  
鷗寒金尊綠酒無錢共安得愁中却暫歡

紀舊遊

二月江南鶯亂飛雜花滿樹柳依依落紅無數迷歌  
扇嫩綠多情妒舞衣金鴨焚香川上暝畫船撾鼓月  
中歸如今寂寞東風裏把酒無言對夕暉

寄省參議王繼學諸友自和

張養浩

身與功名果孰親萬鍾何似一瓢真若教宇宙無難  
事未必山林有退人遺語五千方外教行窩十二洛

中春老懷久矣忘機巧猿鶴欣欣燕雀馴

閒居雜詩

許有壬

鵲山東北接郊墟郭影嵐光畫不如九十日春朝暮  
雨兩三間屋古今書庭花紅礙經行處園竹青回剪  
伐餘滿地蒼苔愁踏破年來淡喜故人疎

次韻朱本初訪李溉之學士不遇 虞集

城南城北暖塵飛伐木相求苦未歸吟到碧桃還細  
雨行尋芳草又斜暉綺牕綵筆題詩徧斗帳沉香入  
袖微共載小車勝上馬重遊莫待曉紅稀

送韓伯高僉憲湖西

正月樓船過大江海風吹雨灑船牕雲消虹霓橫山  
閣潮落龜鼉避石缸闕下諫書誰第一濟南名士舊  
無雙湖陰暑退多魚鳥應勝愁吟對怒龍

挽文山丞相

徒把金戈輓落暉南冠無奈北風吹子房本爲韓仇  
出諸葛寧知漢祚移雲暗鼎湖龍去遠月明華表鶴  
歸遲不須更上新亭望大不如前洒淚時

題觀海圖

黃潛

昔年解纜岑江上初日團團水底紅鼉吼忽搖千尺  
浪鷁飛仍挾半帆風遙看島嶼如星散祇謂神仙有

路通及此栖身萬人海舊遊却在畫圖中

客夜偶書

歷歷疎螢度眼明獨檣高枕數殘更薄遊已倦新彈  
缺舊業猶餘未棄檠一雨送晴初月色百蟲專夜故  
秋聲情知三十非年少已覺人間有後生

層樓晚眺

薩都刺

廣寒世界夜迢迢醉拍闌干酒易消河漢入樓天不  
夜江風吹月海初潮光搖翠幕金蓮炬夢斷涼雲碧  
玉簫休唱當時後庭曲六朝宮殿草蕭蕭

次友人春別

宋无

波流雲散碧天空魚鴈沈沈信不通楊柳昏黃晚西  
月梨花明白夜東風秋千庭院人初下春半園林酒  
正中背倚闌干思往事畫樓魂夢可曾同

初夏別業

別墅清深無俗人蛛絲窻戶網游塵綠陰鏤日新歡  
夏紅雨塵花故惱春病去情懷逢酒惡困來天氣與  
茶親壁間烏帽長閒却肯學陶家戴漉巾

書趙集賢詩翰後

九天宮闕鬱嵯峨公昔騎龍上大羅文在玉堂多煥  
爛淚經銅狄一淘沱原陵禾黍悲豐鎬人物風流繼

永和今日吳牋拜遺墨只堪哀怨不堪歌

聞歸集賢遠引奉簡一章

張翥

故舊相看逐逝波思歸無路欲如何將軍每歎檀公  
策朝士徒悲穆氏歌南海明珠來貢少中原健馬出  
征多先生自說將高舉不遣冥鴻到尉羅

題周南翁悠然閣

杜本

大江之東彭蠡南周家高閣與雲參秋風猿狖啼青  
嶂莫雨蛟龍起碧潭遠屋千叢生杞菊過簷百尺長  
檀楠何時共此登臨樂指點山川與縱談

次賀琴南韻

李祁

茅屋秋風古道傷衰容不似去年強漢庭無夢陳三  
策楚水空懷賦九章落日亂鴉紅樹老斷雲孤鴈碧  
天長相思無限關心事不爲催詩急雨忙

書憤

張憲

離宮金翠化爲烟土宇雕零舊幅員豈是相君酣醉  
日况逢天子中興年武關兵馬全無信洛水文章久  
未鐫白髮詩翁憂帝室長歌泣血拜嗚鵲

良宵

良宵情緒不堪題立遍闌干意欲迷鐵撥忽敲壺口  
破金刀頓翦燭心齊綠分楊柳湘簾細紅壓櫻桃斗

帳低彷彿第三橋畔宿月明珠樹夜烏啼

登金山

馮子振

雙塔嵯峨聳碧空爛銀堆裏紫金峯江流吳楚三千  
里山壓蓬萊第一宮雲外樓臺迷鳥雀水邊鐘鼓振  
蛟龍問僧何處風濤險郭璞墳前浪打風

西湖

楊維禎

西湖風景開圖畫墨客騷人入詠嗟扇底魚龍吹日  
影鏡中鶯燕老年華蘇堤物換前朝柳葛嶺人耕故  
相家今古消沈一杯水兩峯長照夕陽斜

次韻黃大癡豔體

千枝燭樹玉青蔥綠紗照人江霧空銀甲辟絃斜鴈  
柱薰花撲被熱鴛籠仙人掌重初承露燕子腰輕欲  
受風閑寫惱公詩已就花房自擣守宮紅

承天閣

荆棘荒涼繞故宮梵樓突兀畫圖中地連滄海何由  
斷月墜青天不離空蝶螻著檐秋易雨蒲牢吼屋夜  
還風越南羈旅登臨倦書賦囚人日月籠

挽達兼善御史

黑風吹雨海冥冥被甲船頭夜點兵報國豈知身有  
死誓天不與賊俱生神游碧落青騾遠氣挾洪濤白

馬迎金匱正修仁義傳史官執筆淚先傾

睡覺

張昱

滿院楊花風力輕牡丹時節好晴明簾垂不知白日  
晚睡覺忽聞黃鳥鳴萬斛春光金盞酒百年心事玉  
人箏劉伶未到忘形處枉自閒將畚鍤行

虎丘寺畱題

莓苔欲遍盤陀石知是梁朝古道場陳跡謾驚成俛  
仰空門元不預興亡白漫天上俱兵氣赤伏池中是  
劍光如會生公重說法勸教東海莫栽桑

送丁道士還灋陵

言集 丁令還家骨已仙  
夏無城郭有山川  
未添白髮三千丈  
又見銅駝五百年  
荒草茫茫連故國  
孤雲冉冉下寥天  
澧蘭歌送潺湲水  
極望潯陽忠惘然

無題

灼灼庭花露未收  
樂然雙燕語綢繆  
新粧滿面猶看鏡  
殘夢關心嬾下樓  
春到自憐人似玉  
困來誰問酒扶頭  
狂蹤已作風絲斷  
敢怨流年似水流

金山寺

六鼇捧出法王宮  
樓閣居然積浪中  
門外鷗眠春水碧  
堂前僧散夕陽紅  
揚州城郭高低樹  
瓜步帆檣上

下風人世幾回江上夢  
不堪垂老送飛鴻

山園

倪瓚

春水鳧鷖野外堂  
山園細路橘花香  
棲棲身世書盈篋  
漠漠風烟酒一觴  
豈謂任真無禮法  
也須從俗著冠裳  
不營產業人應笑  
竹本桃栽已就行

寄盧士行

闔閭浦口路依微  
笠澤汀邊白板扉  
照夜風鐙人獨宿  
打窻江雨鶴相依  
畏途豈有新知樂  
老境空思故里歸  
擬問桃花泛春水  
船頭浪暖鱖魚肥

東林隱所寄陸徵士

詩宗

卷集



言宗 一尺集  
寢扉桃李晝陰陰耕鑿居人有遠心一夜池塘春草  
綠孤邨風雨落花淡不嗔野老羣爭席時有遊魚出  
聽琴白髮多情陸徵士松間石上續幽吟

懷歸

久客懷歸思惘然松間葦屋女蘿牽三杯桃李春風  
酒一榻菰蒲夜雨船鴻迹偶曾畱雪渚鶴情原只在  
芝田他鄉未若還家樂綠樹年年叫杜鵑

晚霽

吳景奎

雨晴秋氣轉蒼涼萬籟依稀奏羽商煙抹林腰橫束  
素日迴山額半塗黃鷓鴣曬翅眠池草翡翠銜魚立

野航霜蟹正肥新酒熟破橙宜趁菊花黃

簡羅伯英

郭鈺

大藥霜髭竟不玄白魚無計滿千仙別離歲月落花  
雨歌舞樓臺芳草烟世事榮枯分一日人生感慨萃  
中年劉郎恨滿玄都觀重到題詩共幾篇

和周霽海吳鎮撫詩就呈李伯傳明府

牛斗秋高劔氣橫幾人馬上取功名扇揮白羽臨風  
迴甲鎖黃金射日明賈詡自期能料敵山濤誰謂不  
知兵官軍蓄銳何時發久厭城頭鼓角聲

辛酉雜題

王逢

遺經姑置楚包茅新筆恭書蠹上文利盡島溟珠象  
郡道溼鄒魯鳳麟郊看雲暮影齊巾角滴露春聲落  
枕凹自判優游不堪事鷓鴣添室翠分巢

寄季充姪

華幼武

華氏儒風久蕭索賴有汝輩張吾軍匡衡苦心不倦  
學陸機自少能爲文咏歌溪上共明月倚杖江邊愁  
暮雲竹林之游遲亦得少年冠蓋今紛紛

題陽山顧碧溪詩卷

聞說山中顧隱君幽居不與俗人羣愛看舞鶴護蒼  
蘚淨埽落花留白雲李愿已刊盤谷序稚圭休擬北

山文一溪春水連天碧肯著孤舟載月分

寒食感懷

寒食維舟江上村臨風西望黯銷魂花將春色歸流  
水雲繫愁心入故園丘隴不知誰洒掃藤蘿應復閉  
晨昏衰年尚作無家客只合當時住鹿門

莫春感懷

丁鶴年

四十無閒嬾慢身放情丘壑任天真悠悠往事杯中  
物赫赫時名扇外塵短策看雲松寺晚疎簾聽雨草  
堂春山花水鳥皆知已百遍相過不厭頻

自咏

言  
一月集  
一夜西風到海濱樓船東出海揚塵生慚黃歌三千  
客死慕田橫五百人紀歲自應書甲子朝元誰共守  
庚申悲歌撫罷龍泉劍獨立蒼茫望北辰  
九鼎神州竟陸沉偷生江海復山林頻繁誰在隆中  
顧憔悴惟餘澤畔吟鬻雪心危天日遠看雲淚盡歲  
時深百年家國無窮事可得忘機老漢陰

兀兀

數莖白髮鏡中新兀兀窮年媿此身萬里雲霄雙倦  
翼千尋江漢一窮鱗望鄉薄暮憑西日去國中宵禮  
北辰客路漸遙身漸老此生何以報君親

題鳳浦方氏梧竹軒

鳳鳥曾聞此地過至今梧竹滿邱阿政懷翦葉書周  
史却恨翻枝入楚歌金井月明秋影薄石壇風細晚  
涼多中郎去後知音少共負奇才奈老何

逃禪室與蘇伊舉話舊有感

不學揚雄事草玄且隨蘇晉暫逃禪無錐可卓香巖  
地有柱難擎祀國天謾詫丹霞燒木佛誰憐青露泣  
銅仙茫茫東海皆魚鼈何處堪容魯仲連

天寶宮詞

顧瑛

五家第宅近天家侍女都封繫臂紗池上桃開銷恨

樹閣中香進助情花風迴輦道鸞鈴遠日射龍顏雉  
扇斜韓虢並騎官廐馬醉攬丞相踏堤沙  
蓮花池畔暑風涼玉竹迴文寶簾光貪倚畫屏調翡  
翠誤開金鎖放鴛鴦輕綃披霧誇新浴墮髻敬雲銜  
晚粧笑語女牛私語處長生殿下月中央  
宮衣窄窄小黃門躑躅初開賜縹盆夜月不窺鸚鵡  
塚春風每憶鳳皇園愛收花露消心渴怕解金珂見  
爪痕只有椒房老宮監白頭一一話開元

次韻觀帖之什

水如燕尾出湖分合入長溪直到門韋杜桑麻元兩

曲朱陳雞犬却通邨換羊賣馬囊中帖剗瘦縣瓠什  
裏尊昨日煩君來閱賞扁舟短纜繫籬根

讀韓信傳

張弘範

一怒燕齊楚趙收將軍今古果誰儔後來肯爲陳豨  
計先日何辭蒯徹謀自是多能慚噲等何能輕舉學  
留侯可憐一片肝腸鐵却使終遺萬古羞

挽文丞相

徐世隆

大元不殺文丞相君義臣忠兩得之義似漢皇封齒  
日忠於蜀將所顏時乾坤日月華夷見海嶺風霜草  
木知只恐史官編不盡老夫和淚寫新詩

和范愛竹

仇遠

秉燭追遊憶盛時歡  
終較昔年稀柳多客折涼陰  
薄薇少人餐雨綠肥胡蝶覺來方識夢  
海鷗飛去未忘機相逢且可談風月  
莫話興亡是與非

劉松年春山仙隱圖

鄧文原

綠柳疎花繞舍栽  
長松灌木覆亭臺  
雲巒倒影水天  
雙蒲葦有聲山雨來  
內史幽情鶴詠樂  
右丞別業畫圖開  
何時許我遊真境  
野色橋邊踏紫苔

懷宋庸菴

戴良

麥秀歌殘已白頭  
逢人猶是說東周  
風塵湏洞遺黎

老草木凋傷故國秋  
祖述念時空擊楫仲宣多難但  
登樓何當去逐騎麟客被髮同爲汗漫遊

貴公子

馬臻

麝沉衣暖瑞煙輕  
十二闌干轉畫屏  
翠袖閒調鸚鵡  
語牙牌分牘牡丹名  
半垂簾幕因春冷  
未放笙歌爲宿醒  
颭颭流蘇風不定  
隔牆時送賣花聲

春日閒居

滿院春陰半掩扉  
杏花猶怕曉寒欺  
蘚痕帶露侵碁  
石山影分雲落硯池  
貧久家僮生去意  
社遲梁燕阻歸期  
詩成一餉無人說  
芳草連天寄與誰

蝶

曾隨秦女踏青陽幾被鶯捎出建章芳草夢寒迷碧  
色杏花雨細宿紅香粉凝薄翅春無力恨入修眉晚  
斷腸寄語莫尋歌舞處五侯門第有高牆

吾愛吾廬

張雨

吾愛吾廬聊復爾眼前白石與蒼苔木從林木陰中  
過風自房櫺曲處來薄有餘情歸竹素竟無長物受  
塵埃先生閉戶成真嬾詩債敲門不厭催

懷茅山

我有草堂南洞門常時行坐虎同羣丹光出林掩

月玉氣上天爲白雲遙憶田泉洗蒼木愛忠陶淵采  
香芹歸來閉戶償高臥莫遣人書白練裙

綠陰

謝宗可

萬樹東風湧翠瀾遮藏芳恨料猶難入簾蒼靄暮春  
晚滿地碧雲清晝寒柳暗池臺烟乍溼槐溪門巷雨  
初乾堦前花落無人到又染苔痕上石闌

故宮春望次平禹成韻

錢惟善

登臨休賦黍離章千里江流接大荒劔鎖血華空楚  
舞鏡埋香骨失秦粧薜蘿山鬼啼螢苑荆棘銅駝臥  
鹿場寂寞萬年枝上月夜淡猶照舊宮牆

送陳衆仲之官翰林應奉

畫鷁齊飛發棹謳  
泛江幾日過揚州  
曉雲最白梅花  
驛春雨初香杜若洲  
一代文章關氣運  
十年館閣擅風流  
綠波草色連天遠  
不是尋常送別愁

晚雨過白塔

宋宮傳是唐朝寺  
白塔崔嵬寢殿前  
夏雨染成千樹綠  
莫嵐散作一江煙  
蒼苔門外銅鋪暗  
細柳營中畫角傳  
寂莫葫蘆宮井畔  
野人拾得舊宮鈿

送王舉之入京就簡樵谷

短衣匹馬佩吳鉤  
欲寫關河萬古愁  
射鴈秋風高紫

塞聽鶯春色滿  
皇州黃塵驛路三千里  
白玉京城十二樓  
無酒送君懷抱惡  
過江爲覓故人舟

自集慶路入正大統道中偶吟

文宗皇帝

穿了縞衫便著鞭  
一鉤殘月柳梢邊  
二三点露滴如雨  
六七个星猶在天  
犬吠竹籬人過語  
雞聲茅店客驚眠  
須臾捧出扶桑日  
七十二峯都在前

春事

于石

白了江梅柳又青  
遊絲千尺網紅塵  
鶉鳩夫婦孤邨雨  
杜宇君臣故國春  
客裏易添芳草思  
樽前誰是去年人  
桃花源上空流水  
安得漁郎一問津

南城暮春

成廷珪

南城雨盡午風和，二客相從步履過。  
流水陂塘春事減，落花門巷晚愁多。  
銀蟾自瀉沙頭酒，寶瑟誰調陌上歌。  
莫寫江南斷腸句，賀郎憔悴髮空皤。

六月十三日聞邊警甚急有感而作

邊風六月作秋聲，世事驚心百感生。  
臺閣故人猶嗜酒，閭閻小子亦談兵。  
紅巾似草何時盡，白骨如山幾日平。  
甚欲移家渡江水，老來幽獨最關情。

庚午上元雨陪學翁兄飲

劉詵

元夕相看白髮兄，燈花應笑兩無成。  
村醪薄薄客三

五疎雨瀟瀟漏幾更，老境情懷多舊感。  
荒年市井少歡聲，興來欲聽祈賓喚。  
門巷成泥嬾復行。

和楊貫道見壽

學易未成先退藏，鶴龜非短亦非長。  
文章底用追韓孟，富貴元應屬禹光。  
已老不求方染鬢，平生惟有句成囊。  
星辰劔履危朝露，甘老秋風一草堂。

蕭山秋興

鄭洪

闌干曲曲倚西風，桂樹懸秋月正中。  
千里功名憐櫪馬，百年身世媿冥鴻。  
天垂南斗星猶北，江渡西陵水自東。  
撫罷吳鉤雙淚落，飯牛捫蝨盡英雄。



謝青宮賜酒

安南國王

黃封星使控麒麟騰踏高風拂路塵  
仙醴釀成天上露宮壺分賜臘前春  
恩沾南紀波濤闊氣轉東皇草木新  
拜徹雍容歌既醉遙瞻鶴禁喜津津

義塚斜

釋圓至

城闕千棺瘞此斜古堆新穴滿平畝  
春叢亂哭鰥寡鳥雨樹雜開啼笑花  
散骨已枯苔作肉癡魂猶認土為家  
何人薄莫焚錢去風卷殘灰滿柏丫

漁父

釋善住

夕陽波上釣絲輕風入蒹葭窸窣  
鳴辭劍為憐逋客

難鼓橈曾笑逐臣清數聲竹笛湘江闊  
一帽山花白髮明南北去來人自老  
幾多空抱羨魚情

漕運萬戶某脫險于海和韻言之

釋惟則

語未開脣已改顏向來海運歷多艱  
連檣影落蛟涎窟孤枕魂飛鬼骨山  
出匣劍龍驚怒吼傳家珠虎幸生還  
黃金任積高於斗不博休官一日閑

詩宗 入集

詩宗戌集卷二十二

Blank writing area with vertical lines.



